





চক্ষুঃসেনিং পরিবিষ্যমানো ব্রহ্মচারী  
বিভিক্ষে তস্মা উহ ন দদতুঃ ॥ ৫

‘অথ হ’ ‘শৌনকঃ চ’ শুনকন্যাপত্যং ‘কাপেয়ং’  
কপিগোত্রং ‘অভিপ্রতারিণঃ চ’ নামতঃ। কক্ষসেন-  
ন্যাপত্যং ‘কাক্ষাসেনিং’ ভোজনাবোপবিষ্টৌ ‘পরি-  
বিষ্যমানো’ স্থপকারৈঃ ‘ব্রহ্মচারী’ ‘বিভিক্ষে’ ভিক্ষিত-  
বান্ ‘তস্মৈ উহ’ ভিক্ষাং ‘ন দদতুঃ’ ন দত্তবন্তৌ ॥ ৫

একদা ভোজনোপবিষ্ট শৌনক ও অভিপ্র-  
তারী কাক্ষসেনির নিকট ব্রহ্মচারী ভিক্ষা চাহিয়া-  
ছিলেন। তাঁহারা তাঁহাকে ভিক্ষা দেন নাই। ৫

সহোবাচ মহাত্মনশ্চ তুরোদেব একঃ কঃ  
সজগার ভুবনস্য গোপাস্তং কাপেয় নাভি-  
পশ্যন্তি মর্ত্য্যভিপ্রতারিন্ বহুধা বসন্তং  
যস্মৈ বা এতদন্নং তস্মা এতন্ন দত্তমিতি ॥ ৬

‘সঃ হ উবাচ’ ব্রহ্মচারী ‘মহাত্মনঃ চতুরঃ’ ইতি  
দ্বিতীয়াবহবচনং ‘দেবঃ একঃ’ অগ্ন্যাঙ্গীন্ বায়ুরাগ্ন্যাঙ্গীন্  
প্রাণঃ। ‘কঃ সঃ’ প্রজাপতিঃ ‘জগার’ এসিতবান্ ভুবন-  
নস্য ‘গোপাঃ’ গোপয়িতা রক্ষিতা। ‘তং’ প্রজাপতিং হে  
‘কাপেয়’ ন অভিপশ্যন্তি ন জানন্তি ‘মর্ত্য্যঃ’ হে ‘অভি-  
প্রতারিন্ বহুধা বসন্তং’ ন জানন্তি মর্ত্য্যঃ। ‘যস্মৈ বৈ  
এতৎ’ অহন্যহনি ‘গন্নঃ’ অদানায়াক্রিয়তে সংস্কৃ যতে  
‘তস্মৈ’ প্রজাপত্যে ‘এতৎ ন দত্তং ইতি’ ॥

সেই ব্রহ্মচারী বলিলেন হে কাপেয়, হে অভি-  
প্রতারিন্, চারি মহান্ দেবতাদিগকে যে এক দেবতা  
ঐশ করিয়াছিলেন, যিনি ভুবনের পালক এবং  
যিনি বহু প্রকার হয়ে বাস করেন, তাঁহাকে মর্ত্যেরা  
জানে না। যাহার জন্য এই ভন্ন তাঁহাকে তাহা  
দেওয়া হইল না। ৬

তত্ হ শৌনকঃ কাপেয়ঃ প্রতিমস্থানঃ  
প্রত্যেয়ায় আত্মা দেবানাং জনিতা প্রজানাং  
হিরণ্যদংষ্ট্রৌ বভসোহনসূরির্মহাস্তমস্য মহি-  
মানমাত্রনদ্যমানো যদনন্নমভীতি বৈ বয়ং  
ব্রহ্মচারিন্নেদমুপাস্মহে দত্তাস্মৈ ভিক্ষামিতি ॥ ৭

‘তৎ উহ’ ব্রহ্মচারিণোবচনং ‘শৌনকঃ কাপেয়ঃ’  
‘প্রতিমস্থানঃ’ মনসাবোচয়ন্ ব্রহ্মচারিণং ‘প্রত্যেয়ায়’  
আজগাম। গত্বাহহহ বং স্বমবোচোনপশ্যন্তি মর্ত্য্য  
ইতি তং বয়ং পশ্যামঃ কথং ‘আত্মা’ ‘দেবানাং’ অগ্নি-  
বাগাদীনাং ‘জনিতা’ ‘প্রজানাং’ স্থাবর জঙ্গমাঙ্গীনাং

‘হিরণ্যদংষ্ট্রঃ’ অমৃতদংষ্ট্রোহভয়দংষ্ট্রো ইতি যাবৎ। ‘বভসঃ’  
শীলঃ ‘অনসূরিঃ’ সূরিমোধাবী ন সূরিব সূরিস্তং প্রতি-  
ভক্ষণবেধেনসূরিঃ সূরিবেতার্থঃ ‘মহাস্তং’ অতিপ্রাণং  
‘অনা’ অপ্রেমেয়ন্য প্রজাপতেঃ ‘মহিমানঃ’ বিভূতিঃ  
‘আহ’ ব্রহ্মবিদঃ বস্মাৎ স্বমমতন্যোঃ ‘অনদ্যমানঃ’ ক্ষত-  
ক্যমানঃ ‘বৎ ভন্নং’ অগ্নিবাগাদিদেবতারূপং ‘অভি-  
ভক্ষয়তি’ ‘বৈ’ ‘বয়ং’ হে ‘ব্রহ্মচারিন্’ ‘আ’ ‘ইদং’ এবং  
যথোক্তলক্ষণং ব্রহ্ম উপাস্মহে। ‘দত্তা’ অস্মৈ ভিক্ষাঃ  
ইতি’ অবোচৎ ভৃত্য্যং ॥ ৭

ব্রহ্মচারীর এই বাক্যে শৌনক কাপেয় মনে  
মনে আলোচনা করিয়া তাঁহার নিকট আগমন  
করিলেন এবং বলিলেন, আত্মা দেবতাদিগের এবং  
প্রজাদিগের জনিতা। তিনি হিরণ্যদংষ্ট্র-  
ভক্ষণশীল মেধাবী—তাঁহার মহৎ মহিমাকে ব্রহ্ম-  
বিদেরা বলেন। যিনি অন্যের দ্বারা ভক্ষিত না  
হইয়া, অগ্নি, চন্দ্র, সূর্য্য, জল রূপ এবং প্রাণ, মন  
চক্ষু, শ্রোত্র রূপ অন্যকে ভক্ষণ করেন হে ব্রহ্ম-  
চারি, আমরা সেই ব্রহ্মকেই উপাসনা করি। পরে  
তাঁহার ব্রহ্মচারীকে ভিক্ষা দিতে আদেশ  
লেন। ৭

তস্মাউহ দত্তস্তে বা এতে পঞ্চান্যো প-  
ঞ্চান্যে দশ সন্তস্তৎকৃতং তস্মাৎ সর্ব্বাঙ্ক-  
দিক্ষু ন্নমেব দশকৃতং সৈষাবিরাড্রান্নাদীতযেদং  
সর্ব্বৎদৃষ্টং সর্ব্বমস্যেদং দৃষ্টং ভবত্যন্নাদৌ  
ভবতি য এবং বেদ য এবং বেদ ॥ ৮

‘তস্মৈ উহ দত্তুঃ’ ভিক্ষাং ‘তে বৈ এতে’ যে প্রাণা-  
স্তেহগ্নাদয়োবশ্চ তেষাং এসিতা বায়ুঃ পঞ্চান্যো বাগাদি-  
দিভ্যঃ তথাহন্যে তেভ্যঃ পঞ্চাধ্যাত্মং বাগাদয়ঃ সঞ্জ্ঞায়-  
তে সর্ব্বৈ পঞ্চান্যে পঞ্চান্যে ‘দশ’ ভবন্তি একাধার-  
দশ ‘সন্তঃ’ ‘তৎ’ ‘কৃতং’ ভবতি তে চতুরক্ষ একাধার-  
এবং চত্বারজ্ঞায় এবং ত্রয়োহপরে দ্বাক্ষায়ঃ এবং  
দ্বাবন্যাবেকাক্ষায়ঃ এবমেকেহন্য ইতি। এবং দ্বি-  
সন্তস্তৎ কৃতং ভবতি ‘তস্মাৎ’ যত এবং ‘সর্ব্বাঙ্ক-  
দশস্ব’ অপি অগ্নাদ্যা বাগাদ্যাশ্চ ‘দশকৃতং’ দশসং-  
সামান্যাৎ ‘অন্নং এব’। দশাঙ্করা বিরাড্ভিরাড্রান্নাদী-  
হি ক্রুতিঃ। ‘স্বা এষা’ ‘বিরাড’ দশসঞ্জ্ঞা সত্যার-  
গ্রাদিনী চ কৃতংনেন। কতে হি দশ সঞ্জ্ঞাস্তুভূত-  
হতোহন্নং ‘অন্নাদী’ অন্নাদিনী চ সা। ‘তয়া’ ‘কৃত-  
দিন্যা’ ‘ইদং সর্ব্বং’ জগৎ দশদিক্‌সংস্থং ‘দৃষ্টং’ এবং  
সঞ্জ্ঞাভূতয়োপলক্ষং। ‘সর্ব্বং ইদং’ জগৎ

বিদঃ 'দৃষ্টং ভবতি' 'অন্নাদঃ ভবতি' 'যঃ এবং বেদ যঃ  
এবং বেদ' ॥ ৮

তঁাহারা তঁাহাকে ভিক্ষা দিলেন। সেই বায়ু,  
অগ্নি, চন্দ্র, সূর্য্য, জল এই পাঁচের আর প্রাণ, বাক্য,  
চক্ষু শ্রোত্র মন এই পাঁচের যে দশ হয় তাহাই রূত।  
সেই হেতু দশ দিক সকলেতে যে অন্ন তাহা দশ রূত।  
সেই এই বিরাত্ অন্নবর্তী। তাহার দ্বারা এই সক-  
লই দৃষ্ট। যিনি এই প্রকার জানেন, তঁাহার দ্বারা  
এই সকলই দৃষ্ট হয় এবং তিনি অন্নবান্ হন। ৮

### ধর্মপুর ব্রাহ্মসমাজ।

নবম সাম্বৎসরিক উৎসব।

৬ই ভাদ্র ১৮০৩ শক।

আজ এই ব্রাহ্মসমাজ পরম পিতা পরম  
দয়ালু পরমেশ্বরের প্রসাদে নানাবিধ বিঘ্ন  
বিপত্তি উল্লঙ্ঘন করিয়া দশম বৎসরে পদা-  
র্পন করিল। আমরা তদুপলক্ষে সেই  
প্রাণের প্রাণ হৃদয়ের ধন জীবন্ত জাগ্রত  
দেবতার উপাসনার নিমিত্ত এই পবিত্র  
সমাজ-মন্দিরে সম্মিলিত হইয়াছি। আমরা  
সমুৎসুক চিত্তে ব্যাকুল ভাবে সংবৎসর কাল  
যে দিনের অপেক্ষা করিতেছিলাম পরম  
কারুণিক পরমেশ্বরের কৃপায় আজি সেই  
শুভ দিন প্রাপ্ত হইয়াছি। আজ আমাদের  
আনন্দের ও সৌভাগ্যের সীমা নাই, আজ  
আমরা মনের দ্বার উন্মুক্ত করিয়া সেই আ-  
নন্দময়ের আনন্দে হৃদয়-কন্দের পরিপূর্ণ  
করিব, তঁাহার চরণে প্রীতি-পুষ্পাঞ্জলি প্র-  
দান করিয়া হৃদয়ের পাপ তাপ দূর করিব।  
আজ সেই পূর্ণানন্দের আবির্ভাবে সকল  
পদার্থই যেন আনন্দময় বোধ হইতেছে;  
এই উদ্যানস্থ শুষ্পরাজী প্রক্ষুটিত হইয়া  
যেন তঁাহারই সৌন্দর্য্য ও তঁাহারই সৌভ-  
বিস্তার করিতেছে; এই প্রাভাতিক স্নগন্ধি  
মুহূর্ত্ত মন্দ সমীরণ প্রবাহিত হইয়া যেন তঁাহা-

রই সত্তা প্রকাশ করিতেছে; বিহঙ্গমগণ  
দিবালোকে পুলকিত হইয়া সেই মহিমাগর্ভ  
মহেশ্বরের অনন্ত মহিমা গান করিতেছে;  
আমাদিগের চতুর্দিকস্থ তরুণতা সকল  
বর্ষাকালীন বারিধারায় ধৌত ও পবিত্র হইয়া  
যেন সেই অন্তরতম বিশ্বশ্রুতার উপাসনার  
জন্য উন্মুগ্ন হইয়া রহিয়াছে। আমরা কি  
সজীব কি নির্জীব যে কোন পদার্থের প্রতি  
দৃষ্টিপাত করিতেছি, তাহাই যেন তঁাহার  
সত্তা ও তঁাহার মঙ্গলময় ভাব ব্যক্ত করি-  
তেছে।

আজ তঁাহার সত্তায় এই সমাজ-মন্দির  
পরিপূর্ণ দেখিতেছি, তিনি পিতার ন্যায়  
আমাদিগের হৃদয়ে কতই উৎসাহ প্রেরণ  
করিতেছেন এবং মাতার ন্যায় আমাদি-  
গের প্রতি স্নেহ করিয়া কত শত বিপদ্  
হইতে রক্ষা করিতেছেন। তঁাহার সহিত আ-  
মাদিগের চির সম্বন্ধ, সেই সম্বন্ধ কখনই  
বিচ্ছিন্ন হইবার নহে। আমরা অতি হীন  
হইয়াও যে সেই অতি উচ্চতম সম্বন্ধ প্রাপ্ত  
হইয়াছি; সেই সম্বন্ধ অনুসারে কার্য্য করা  
আমাদের সর্বপ্রথমে কর্তব্য। অতএব ভ্রাতৃ-  
গণ! কুটিল ভাব মলিন কামনা ও বিদ্বেষ-  
বুদ্ধি পরিত্যাগ পূর্ব্বক আত্মাকে পবিত্র কর,  
পবিত্র আত্মাই তঁাহার প্রিয় নিকেতন।  
স্বেচ্ছাচারী হইয়া বিবেকবিহীন হিতাহিত-  
বোধশূন্য পশুর ন্যায় বিপথগামী হওয়া  
কোন ক্রমেই কর্তব্য নহে। ধর্ম্মে আত্মাকে  
বিশুদ্ধ করিয়া ধর্ম্মে অনুরাগী হওয়া আমা-  
দিগের জীবনের একমাত্র লক্ষ্য। আমরা  
কি সাংসারিক কি বৈষয়িক যে কার্য্যে যখন  
লিপ্ত থাকি না কেন, সকল সময়েই দিগ্দ্-  
র্শনের শলাকার ন্যায় যেন আমাদের সেই  
লক্ষ্য স্থির থাকে। কোন প্রকার প্রলোভনে  
পতিত ও মোহের ছলনায় মুগ্ধ হইয়া যেন  
সেই লক্ষ্যভ্রষ্ট না হই।

ধর্মই আমাদিগের একমাত্র স্বেচ্ছা, ধর্মই আত্মার উন্নতিসাধনের নিদান এবং ধর্মই আত্মার স্বাধীন ভাবের মূলীভূত কারণ। ধর্মই আমাদিগের ঐহিক ও পারত্রিক সুখের বিধাতা। যদি আমরা আত্মপ্রসাদলাভের জন্য অভিলাষী হই, তবে তাহা একমাত্র ব্রাহ্মধর্মের সাহায্যে সিদ্ধ হইতে পারে, ব্রাহ্মধর্মই এই দুর্বল বঙ্গদেশের একমাত্র বল। এই হতভাগ্য বঙ্গভূমি যে এত দুর্বল হইয়া অশেষ যন্ত্রণা ভোগ করিতেছে, কতপ্রকার লাজ্জনা সহ্য করিয়া আসিতেছে, অরাতির পদতলে দলিত হইতেছে, জীবন থাকিতেও মৃতপ্রায় হইয়া যে অপ্রতিবিধেয় ছুরবস্থায় পতিত রহিয়াছে, ও বিপক্ষগণের মর্মান্তিকী দুর্বচন সহ্য করিয়া যে দুর্বিষহ হৃদয়-বেদনা হৃদয়ে বিলীন করিতেছে, তাহা কেবল একমাত্র সত্য ধর্মের বন্ধন নাই বলিয়াই ঘটিতেছে। এই সকল ছুরবস্থা দেখিয়াই পরম দয়ালু পরমেশ্বর এই দুর্বল বঙ্গদেশে আপনার প্রতিমিধি স্বরূপ এই ব্রাহ্মধর্ম প্রেরণ করিয়াছেন, তিনি উপযুক্ত সময়েই এই সত্য সনাতন ব্রাহ্মধর্ম প্রেরণ না করিলে আমাদের ছুরবস্থার আর পরিসীমা থাকিত না। আমরা সেই ব্রাহ্মধর্মের বলেই ক্রমে ক্রমে আত্মার স্বাধীনতা লাভ করিয়া আনুষ্টিগিক অন্যান্য বিষয়েও স্বাধীনতালাভে সমর্থ হইব। অতএব কোন ক্রমেই ব্রাহ্মধর্মের প্রতি আমাদের অবহেলা করা কর্তব্য নহে। সর্বান্তঃকরণে ও সর্বপ্রযত্নে এই ধর্ম দীক্ষিত হইয়া তদনুযায়ী অনুষ্ঠান করণানন্তর জীবনের সার্থকতা সাধন করা বিধেয়। এই ব্রাহ্মধর্ম দ্বারা এদেশের যে কত উপকার সংসাধিত হইবে তাহা বলিয়া শেষ করা যায় না। এই ব্রাহ্মধর্মের জ্যোতিঃ যতদূর বিকীর্ণ হইবে, ততদূর পর্য্যন্ত ভ্রম, প্রমাদ

কুসংস্কার ও বিদ্বৈষ-বুদ্ধি প্রভৃতি প্রগাঢ় তমোরাশি বিদূরিত হইবে। তখন কি প্রীতি পুরুষ সকলেই এই সত্য ধর্মের মহিমা অবগত হইয়া নবজীবন প্রাপ্ত হইবে। প্রকৃত ধর্মপথের পথিক হইয়া দেশের হিত সাধন-ক্রমে ত্রুতী হইবে, কুসংস্কার সকল পরিত্যাগ করিয়া বহুবিধ-পাপ-প্রবাহের গতিরোধ করিবার জন্য বন্ধপরিষ্কার হইবে। দেশাচারের দামত্ব-শৃঙ্খল ছেদন করিয়া প্রকৃত তত্ত্ব-পথ অবলম্বন করিবে।

আমরা এই ব্রাহ্মধর্মের অনুগ্রহে সেই সর্বান্তর্ধানী পূর্ণস্বরূপের পূর্ণভাব, মঙ্গলময় ভাব ও অমৃতময় ভাব হৃদয়ে ধারণ করিতে সমর্থ হইতেছি। আমাদিগের কি সৌভাগ্য আজ সেই পরম কারুণিক পরম পিতা এই ব্রাহ্ম-মন্দিরে আবিভূত হইয়া আমাদিগের হৃদয়ে বিমল আনন্দস্রোত প্রবাহিত করিতেছেন এবং তাঁহার মঙ্গলময় ভাব প্রকাশ করিতেছেন। আমরা আজ এই উৎসবে একত্র মিলিত হইয়া তাঁহারই প্রসাদ প্রচুর পরিমাণে উপভোগ করিতেছি। পিপাসিত আত্মাকে পরিতৃপ্ত করিতেছি। এই ব্রাহ্মধর্মে অবহেলা করিলে কি আমরা এই বিমল সুখ সম্ভোগ করিতে সমর্থ হইতাম? অতএব ব্রাহ্মধর্মই আমাদিগের সর্বপ্রকার ব্রাহ্ম-ধর্মই আমাদিগের ঐহিক পারত্রিক সুখের নিদান।

আমরা যে পরমপবিত্র নির্মল আনন্দ উপভোগ করিবার নিমিত্ত সমবেত হইয়াছি ইহা সামান্য সৌভাগ্যের বিষয় নহে, কিন্তু সেই পরম কারুণিক দেবদেব, মানবগণের নিমিত্ত পরলোকে যে পবিত্র অবিনশ্বর সুখ সঞ্চয় করিয়া রাখিয়াছেন সেই সুখসম্ভোগের দ্বার উন্মুক্ত করিয়া রাখা আমাদিগের অবশ্য কর্তব্য কর্ম। আমাদিগের আত্মাকে সর্বদা

বিত্ত রাখিতে হইবে, ব্রাহ্মধর্মের উপদেশা-  
নুরূপ অনুষ্ঠান সকল যথানিয়মে সম্পা-  
দন করিতে হইবে, আমাদিগের উৎসাহ  
ও অনুরাগ যেন সাময়িক না হয়, তাঁহার  
প্রতি অনুরাগ ও তাঁহার প্রিয় কার্য সাধনে  
সতত ব্রতী থাকিতে হইবে। সংসারের  
প্রলোভনে মুগ্ধ ও পশুবৎ স্বেচ্ছাচারী হইয়া  
দয়া ধর্ম চারিত্র্য বিসর্জন পূর্বক পারত্রিক  
সুখ-সন্তোষের দ্বার রুদ্ধ করিয়া রাখা  
বিবেকশালী জীবের কর্তব্য নহে। আমরা  
যে সত্য সনাতন ধর্মের আশ্রয় গ্রহণ করি-  
য়াছি, সেই ধর্মের যথাবিধি অনুষ্ঠানই সেই  
দ্বার উন্মুক্ত রাখিবার একমাত্র উপায়।  
যেন সেই ধর্মে তাচ্ছল্য করিয়া পারলৌ-  
কিক সুখ ভোগে বঞ্চিত হইতে না হয়।  
হৃদয় পবিত্র রাখিয়া ধর্মের প্রকৃত অনুষ্ঠান  
করিতে হইবে। আমরা মোহবশতঃ যে  
সকল পাপকার্য করিয়াছি, তজ্জন্য অকু-  
ত্রিম অনুতাপ সহকারে অশ্রু বিসর্জন ক-  
রিয়া সেই সকল পাপ-পঙ্ক প্রক্ষালন করিতে  
হইবে। অনুতাপে পাপ হইতে মুক্তি  
লাভ করিতে পারিব মনে করিয়া পাপ-  
স্পর্শে যেন উদাসীন না থাকি। পাপকে  
বিশ্বধর মর্প অপেক্ষাও অধিকতর ভয়ঙ্কর  
মনে করিয়া তাহার ত্রিসীমাত্তেও না যাই।  
ঈশ্বরকে বিশ্বৃত হইয়া যেন কোন কার্যে  
লিপ্ত না হই, তাঁহাকে যেন সর্বদা সর্ব  
স্থানে বিদ্যমান দেখি তাহা হইলেই আমা-  
দিগের পক্ষে সেই অনুপম চির সুখ-সন্তো-  
ষের দ্বার উন্মুক্ত থাকিবে। হে ভ্রাতৃগণ,  
আর অপেক্ষা আমাদিগের উচ্চতম অধিকার  
তন ধর্মে দীক্ষিত হইয়াছি তেমনি ঈশ্ব-  
রের প্রতিনিবিস্বরূপ এই ধর্মের উপদেশ  
গ্রহণ করিয়া ও এই ধর্মের শাসনে থাকিয়া  
যেন এই ক্ষণভঙ্গুর জীবন যাপন করিতে

পারি তাহা হইলেই আমরা অনন্ত সুখে  
সুখী হইতে পারিব।

হে করুণাময় জগদীশ্বর! আমরা তোমা-  
রই পূজা করিবার নিমিত্ত এই স্থানে সমা-  
গত হইয়াছি। আজ আমরা ব্যাকুল  
চিত্তে তোমারই দ্বারে উপস্থিত হইয়া কুতা-  
ঞ্জলিপুটে প্রার্থনা করিতেছি যে তুমি তো-  
মার সত্যধর্ম ব্রাহ্মধর্ম সর্বত্র প্রচার ক-  
রিয়া এই দেশের মুখ উজ্জ্বল কর। কি  
স্ত্রী, কি পুরুষ, কি মুর্থ কি বিদ্বান, কি ধনী  
কি নিধন, কি ভদ্র কি ইতর সকলেরই  
আত্ম-নিহিত এই সনাতন ব্রাহ্মধর্মের বী-  
জকে অঙ্কুরিত কর, যেন অচিরকাল মধ্যে  
তাহা হইতে অমৃতময়, আনন্দময় ও মঙ্গল-  
ময় ফল উৎপন্ন হয়। এই জনপদবাসী  
লোকদিগের অন্তঃকরণ হইতে মোহাক-  
কার, বিদ্বেষ-বুদ্ধি ও কুসংস্কার সকল দূর  
কর এবং এই সত্য-ধর্ম-পালনে তাঁহাদিগের  
হৃদয়কে সমুৎসুক করিয়া তোমার অপার  
মহিমা প্রচার কর।

হা নাথ! হা দীনবন্ধু! আর কত দিন  
এই হতভাগ্য ভারতভূমি অজ্ঞানানুকূপে  
পতিত থাকিবে, আর কত দিন ইহা পাপ  
তাপে ও যন্ত্রণানলে দগ্ধ হইবে, আর কত  
দিন এই ভারতভূমির মুখ মলিন হইয়া  
থাকিবে। আর কেন বিস্তর হইয়াছে;  
পাপের একশেষ হইয়াছে, পরিতাপেরও  
একশেষ হইয়াছে। এক্ষণে তোমার সত্য  
ধর্মের মহিমা প্রচার কর; হিতাহিত-জ্ঞান-  
হীন ভারতবাসীদিগের হৃদয়-ক্ষেত্রে সত্য-  
ধর্মের মূল সংস্থাপন পূর্বক তাঁহাদিগকে  
পাপ তাপ ও যন্ত্রণানল হইতে মুক্ত করিয়া  
তোমার অপার করুণার উদাহরণ প্রদর্শন  
কর। ইহাই আমাদিগের অভিলাষ এবং  
ইহাই আমাদের প্রার্থনা।

হে ব্রাহ্ম ভ্রাতৃগণ! আজ আমাদের

সাম্প্রতিক মহোৎসবের দিন! আজ আমাদের অপার আনন্দের দিন! আমরা সেই পরম দয়াময় জগৎপিতার অক্ষয় পাপী সন্তান; আমাদের অন্য সহায় নাই, সম্পত্তি নাই এবং অন্য কোন বলও নাই, তিনিই আমাদের একমাত্র সহায়, তিনিই আমাদের একমাত্র বল এবং তিনিই আমাদের সর্বস্ব। আমরা চির-পিপাসিত শুষ্কপ্রায় জীবনকে তাঁহারই নামামৃত পান দ্বারা পরিতৃপ্ত করিব বলিয়া তাঁহারই চরণতলে উপস্থিত হইয়াছি। এক্ষণে আইস, আমরা ভক্তিমহকারে একাগ্রচিত্তে সেই পরম কারুণিক পরম পিতার পূজা করিয়া জীবন মার্থক করি।

ওঁ একমেবাদ্বিতীয়ং।

## সূর্য্য।

(পূর্বপ্রকাশিতের পর)

সৌরকলঙ্কের প্রকৃতি।

সৌরকলঙ্কগুলি প্রকৃত পক্ষে কি তাহা এইবার দেখা যাক।

ইহা আলোকমণ্ডলের উপর ভাসমান কৃষ্ণবর্ণ ঘনপদার্থ কি না এই লইয়া এক শতাব্দী পূর্ব পর্য্যন্ত বিসম্বাদ চলিয়াছিল। স্কট সৌরবৈজ্ঞানিক উইলসন প্রথমে দেখেন সৌর কলঙ্ক উজ্জ্বল আলোকমণ্ডলে কৃষ্ণবর্ণ গহ্বরের ন্যায়; এবং তিনিই প্রথমে সিদ্ধান্ত করেন এই কৃষ্ণবর্ণ অংশ আলোকমণ্ডলের উজ্জ্বলাংশ হইতে নীচু।

সৌর কলঙ্ক এক একটি গহ্বর মনে করিয়া উইলসন সূর্য্যমন্ডলে একটি বিখ্যাত মতের প্রবর্তনা করেন, হার্বেল সেই মতটিকে বিধিমেতে মাজাইয়া প্রাণদান দেন। হার্বেলের সেই মতে সূর্য্যভ্যন্তর দুই স্তর

মেঘ-বেষ্টিত কৃষ্ণকায় একটি শীতল বস্তু। সূর্য্যের যে আলোকমণ্ডল আমরা প্রত্যক্ষ স্বাভাবিক চক্ষে দেখিতে পাই, তাহাই সর্কোপরিষ্ব অত্যন্ত উজ্জ্বল মেঘস্তর, এবং তাহার নিম্নে যে আর একটি মেঘস্তর আছে তাহা কৃষ্ণবর্ণ এবং শীতল। এই দুইটি স্তর হইতে কখনো কখনো মেঘ সরিয়া গিয়া একরূপ গহ্বর উৎপন্ন করে। সেই গহ্বরের কলঙ্ক। কলঙ্কের লঘু কৃষ্ণ অংশ গহ্বরের চারি ধার এবং ঘন-কৃষ্ণ মধ্যভাগ গহ্বরতল, সূর্য্যের শেষোক্ত স্থানে বুদ্ধিমান জীবের নিবসতি। আলোক-মণ্ডলের উত্তাপ সূর্য্য বাসীদিগের বাসস্থান পর্য্যন্ত পৌঁছিনে তাহাদের প্রাণ রক্ষা দায় হয়, সুতরাং যাহাতে সে উত্তাপ ততদূর না পৌঁছিতে পারে এই জন্যই হার্বেল আলোকমণ্ডলের নিম্নে পূর্বেই শীতল মেঘস্তরের ব্যবধান বন্দবস্ত করিয়া লইয়াছিলেন। কিন্তু এত করিয়াও সূর্য্য বাসীদিগের একটি বিশেষ এই অসুবিধা যে আমরা যেমন ইচ্ছাক্রমে পৃথিবীর বাহিঃস্থ সৃষ্টি দেখিতে পাই সূর্য্যবাসীরা সেরূপ ইচ্ছাক্রমে সূর্য্যের বাহিঃস্থ সৃষ্টি দেখিতে পার না। ক্রমে সূর্য্যের বাহিঃস্থ সৃষ্টি দেখিতে পার না। কালে ভদ্রে দৈবের রূপায় কখন আলোকমণ্ডলে পূর্বেই রূপে গহ্বর উৎপন্ন হইবে এই প্রতীক্ষায় তাহাদের হাঁ করিয়া থাকিতে হয়, কেন না সেইরূপ গহ্বর উৎপন্ন হইলেই তন্মধ্য দিয়া তাহার সূর্য্যের বাহিঃস্থ জগৎ দেখিতে পায়।

যাহা হউক নিতান্ত কল্পনা-গ্রসূত সূর্য্য বাসীদিগের উপকথা ছাড়িয়া দিলে অবস্থা যোক্ত মতটি যে সূর্য্যের দৃশ্যতঃ এক রকম বুঝাইতে পারে না তাহা নহে।

হার্বেল দেখিলেন আলোক-মণ্ডল সম্পূর্ণরূপে কঠিন, তরল, কিম্বা বাষ্পময় হইলে কলঙ্কের দৃশ্যমান অবস্থার কারণ বুঝা যায় না। ইহা সম্পূর্ণ কঠিন হইলে সৌর

কলঙ্কের ঘন ঘন আকার পরিবর্তন হইত না, সম্পূর্ণ তরল কিশা বাষ্পময় হইলে সৌর কলঙ্কে ক্রমাগতই অনেক দিন ধরিয়া দেখা বাইত না; কেননা চতুর্দিকের তরল ও বাষ্পীয় পদার্থ বেগে আসিয়া সেই গহ্বর শীত্ৰই পূর্ণ করিয়া ফেলিত। তরল ও বাষ্পীয় পদার্থের ধর্ম এই যে তাহা সমভাবে চারি দিকে ছড়াইয়া পড়িতে চায়। সুতরাং হার্শেলকে অগত্যা অনুমান করিতে হইল আলোকমণ্ডল বাষ্প-মাগরে ভাসমান মেঘ-সদৃশ পদার্থরাশি। ইহাকে কঠিন বলা-বাইতে পারে না বটে, কিন্তু ইহা তরল ও বাষ্পময় পদার্থের মধ্যবর্তী।

তাহার পর গুহাকার সৌর কলঙ্ক-মধ্য দিয়া কৃষ্ণবর্ণ অভ্যন্তর দেখা যায়, সুতরাং সূর্য্যভ্যন্তর কঠিন ও শীতল, কেবল আলোক-মণ্ডল মাত্র জ্বলন্ত মেঘময়।

কিন্তু এই মত অধুনা আবিষ্কৃত উত্তাপের নিয়ম-সম্মত নহে। আধুনিক বৈজ্ঞানিকেরা নিশ্চয় করিয়াছেন বিশ্বসংসারে শক্তি-সমষ্টির হ্রাস-বৃদ্ধি হইতে পারে না। তবে শক্তি হইতে উত্তাপ, উত্তাপ হইতে শক্তি রূপান্তরিত হয় মাত্র। শক্তি সংরক্ষণের (Conservation of Energy) এই প্রাকৃতিক নিয়ম তখন অপরিজ্ঞাত ছিল। পরে ইহার আবিষ্কৃত্য দ্বারাই হার্শেল-কল্পিত মহত্ব বৎসর হইতে যে পরিমাণে উত্তাপ বিক্ষেপ করিতেছে সে উত্তাপ সমভাবে রক্ষা করিতে যে পরিমাণে শক্তির উত্তাপ রূপে পরিণত হইবার

অভ্যন্তর-শীতল আবশ্যিক হার্শেল-কল্পিত সম্পূর্ণ সূর্য্যে সে অনতি-গভীর-উত্তপ্ত-স্তর সম্ভাবনা নাই।

হার্শেলের সময় বৈজ্ঞানিকেরা উত্তাপ সূর্য্যকে বিশেষ উত্তপ্ত হওয়া

আবশ্যক মনে করিতেন না। তাঁহাদের মতে সূর্য্য-বেষ্টিত উজ্জ্বল আলোকমণ্ডলের উত্তাপ এত অল্প যে নিম্নস্থ মেঘস্তর ভেদ করিয়া তাহা সূর্য্যের অভ্যন্তরে প্রবেশ করিতে পারে না, সেই জন্ত সে উত্তাপে সূর্য্যবাসীদিগের কিছুই হানি হয় না।

কিন্তু এখন দেখা যায় যদি বা আলোক-মণ্ডলের উত্তাপ কোন অজ্ঞাত উপায়ে চির-স্থায়ী হইত, তাহা হইলেও উত্তাপের সংকালন (Conduction) ও বিকিরণ (Radiation) দ্বারা অভ্যন্তর-ভাগ শীত্ৰই আলোকমণ্ডলের সমান উষ্ণ হইয়া সেখানকার জীবগণের বিনাশ সাধন করিত।

তাঁহারা ভাবিতেন সূর্য্য-কিরণ পৃথিবীর বাষ্পাবরণ ভেদ করিয়া এখানে আসিবার সময়, পরস্পর ঘর্ষণে প্রাথমিক উত্তাপ উৎপন্ন করে। ছুই পদার্থের ঘর্ষণে উত্তাপ জন্মে সত্য, কিন্তু এখন পরীক্ষা দ্বারা সপ্রমাণ হইয়াছে, আলোক কোন রূপ পদার্থ (Matter) নহে, সুতরাং আলোক-ঘর্ষণে উত্তাপ উৎপন্ন হইতে পারে না।

বস্তুতঃ উত্তাপের নিয়ম হইতে জানা যায় সূর্য্য একটি প্রকাণ্ড বাষ্পময় অগ্নিকুণ্ড না হইলে অক্ষুণ্ণ ভাবে এতকাল উত্তাপ দিতে পারিত না। আমরা সূর্য্য হইতে যত উত্তাপ পাই সর্ব্বশুদ্ধ সূর্য্য তাহার ২১৭০০০০০০ গুণ উত্তাপ শূন্যে বিকীর্ণ করে। এই রূপ উত্তাপ বিকিরণ হেতু ক্রমশঃ সূর্য্যের উত্তাপ-ভাণ্ডার ক্ষয় হইবার সম্ভাবনা, যেহেতু শক্তিক্ষয় ব্যতীত উত্তাপ-সঞ্চয় হয় না, এবং আপনা হইতে নূতন শক্তি উৎপন্ন হইয়া সেই ব্যয়ের ক্ষতিপূরণ করিতে পারে না। তাহা হইলে আদিম কাল হইতে উত্তাপরূপে শক্তি ব্যয় করিয়াও কি জন্য সূর্য্যের উত্তাপ সমভাবে রক্ষিত হইতেছে। আমাদের পৃথিবীতে

আপ্ত জ্বালাইয়া রাখিবার নিমিত্ত ক্রমশঃ  
যে রূপ নূতন ইন্ধনের আবশ্যিক, উত্তাপ-  
রক্ষার জন্য সূর্যেরও তো সেই রূপ কিছু  
চাই। গ্রহখণ্ড ও ধূমকেতু মাঝে মাঝে  
সূর্যের উপর জ্বতবেগে পড়িয়া কতক  
পরিমাণে সেইরূপ ইন্ধনের কাজ করিয়া  
থাকে, কিন্তু যে পরিমাণে, গ্রহখণ্ড ও ধূম-  
কেতু সূর্যের উপর গিয়া পড়ে তাহা সম-  
ভাবে সূর্যের উত্তাপ রক্ষা করিবার মত  
প্রচুর নহে। সূর্য যে পরিমাণে উত্তাপ  
বিকীর্ণ করে, তাহা রক্ষা করিতে গেলে  
১০০ শত বৎসর অন্তর পৃথিবীর মতন  
একটি বিশাল আয়তনের গ্রহ সূর্যের উপর  
পড়া আবশ্যিক। কিন্তু তাহা পড়িবার যে  
কালে কোন প্রমাণ পাওয়া যায় না সে কালে  
সূর্যোত্তাপ রক্ষা হইবার কারণ কি, সূর্যের  
জ্বলন্ত বাষ্পময় অবস্থাই ইহার কারণ দর্শা-  
ইতে সক্ষম।

ইহা একটি প্রাকৃতিক নিয়ম যে বাষ্প  
শীতল হইবার সময় সঙ্কুচিত হইয়া উত্তাপ  
বিক্ষেপ করে। সূর্যরূপ বাষ্প-গোলক  
শীতল হইয়া যতই সঙ্কুচিত হইতেছে ততই  
আবার তাহা হইতে নূতন উত্তাপ নির্গত  
হইয়া বাহিরের উত্তাপ সমান রহিতেছে।  
শীতল হইয়া উত্তাপ রক্ষা করা হঠাৎ পর-  
স্পন্ন কেমন বিসম্বাদী মনে হয়, কিন্তু শীতল  
হইবার অর্থই উত্তাপ বিক্ষেপ করা। কোন  
পদার্থ যতই শীতল হইতে থাকে, ততই  
আপন অঙ্গ হইতে বাহিরে উত্তাপ ফে-  
লিয়া দেয়। এই রূপে তাহার উত্তাপ  
কমিয়া সে নিজে শীতল হইয়া যায় বটে,  
কিন্তু তাহার বিক্ষিপ্ত উত্তাপ চতুষ্পার্শ্বস্থ  
বস্তুর উপর কার্য করে। বাষ্পীয় পদার্থে  
এ নিয়মটি বিশেষরূপে খাটে। এখনকার  
বাষ্পময় সূর্য যত দিন তরল না হইবে  
তত দিন এই নিয়মানুসারে উত্তাপ দিবে,

তরল হইলে এনিয়ম আর তাহাতে সম্পূর্ণ  
খাটিবে না। \*

বিজ্ঞানের উন্নতি দ্বারা সৌর কলঙ্ক  
সম্বন্ধে হার্বেলের মতের ভুল বুঝা গিয়াছে  
বটে, কিন্তু ইহার যথার্থ প্রকৃতি ও কারণ  
এখনো সম্পূর্ণরূপে নিরূপিত হয় নাই।  
তবে এ সম্বন্ধে ফরাসী বৈজ্ঞানিক কার্যের  
মতই বিজ্ঞান-জগতে বিশেষ সমাদৃত।  
তিনি বলেন, প্রভূত উত্তাপ-প্রভাবে সূর্যের  
অভ্যন্তর হইতে নানা প্রকার ধাতব বাষ্প  
উর্দ্ধে উঠিতে থাকে, এবং উপরে অপেক্ষা-  
কৃত শীতল হইয়া বৃষ্টিরূপে আলোকমণ্ডলে  
পতিত হয়। এবং আবার উত্তপ্ত হইলে  
পূর্ববৎ উপরে উঠিতে থাকে। অনবরত  
সূর্যে এই কার্য চলিতেছে। এই প্রকার গতি  
সূর্য-কায়ার সর্বত্র সমান নহে, সেই জন্য  
মধ্যে মধ্যে সূর্যে ভয়ঙ্কর ঘূর্ণ বাটিকা দেখা-  
দেয়। এই বাটিকা-প্রভাবে সূর্যের বাষ্প-  
বরণের উপরিস্থিত বাষ্প (প্রধানতঃ জ্বলন্ত  
বাষ্প) নিম্নে আলোকমণ্ডলোপরি নিক্ষেপ  
হয়। এইরূপ শীতল বাষ্পরাশি সূর্যের  
যে স্থানে পড়িতে থাকে, সেই সেই  
আলোক অদৃশ্য হইয়া সূর্যের গাত্র  
উৎপন্ন করে। এই সকল কলঙ্ক  
গহ্বরের ন্যায়, যাঁগরা নদীর পাক  
ছেন তাঁহারা সহজেই বুঝিতে পারিবেন  
করিয়া সৌর কলঙ্কের গহ্বরাকৃতি হয়।  
সৌর কলঙ্কের সহিত পৃথিবীর  
গুলি নৈসর্গিক ঘটনার বিশেষ সম্বন্ধ  
যায়।

সার উইলিয়ম হার্বেল পরীক্ষা  
নির্ণয় করেন যে, সৌর কলঙ্কের সংখ্যা  
সহিত শস্য উৎপত্তির বিশেষ ব্যাঘাত

\* সূর্যের উত্তাপ-রক্ষণ-কারণ উত্তমরূপে বুঝা  
বার জন্য পৃথিবীর উৎপত্তি নামক প্রবন্ধ হইতে  
কতক পরিমাণে পুনরুদ্ধৃত করিতে হইল।



সেই সময়েই ছুর্ভিক্ষের লক্ষণ দেখা দেয়, এবং মৌর কলঙ্কের সংখ্যা বতই কমিতে থাকে ততই শস্যের শ্রীবৃদ্ধি হয়।

আমাদের ভারতবর্ষ প্রভৃতি বিষুব-রেখা-সন্নিহিত প্রদেশে প্রায় ১১-বৎসর অন্তরই ছুর্ভিক্ষ দেখা দেয়, মৌর কলঙ্কের যুগান্তর সময়ও ১১ বৎসর, সুতরাং এই দুইটির মধ্যে একটি ঘনিষ্ঠ সম্বন্ধ থাকিতে পারে। তবে অন্য কোন প্রবল কারণভাবে এরূপ অনুমান কখনো বৈজ্ঞানিক যুক্তির স্থলাভি-বিজ্ঞ হইতে পারে না। কিন্তু নক্ষত্র লক্ষ্যের ও ডাক্তার হর্টার ইহার পক্ষে বলবতর যে একটি কারণ দর্শাইয়াছেন তাহা দ্বারা মৌর কলঙ্কের সহিত ছুর্ভিক্ষের যোগ বেশ বুঝিতে পারা যায়। তবে কি, হার্বেলের মতের বিপ-রীতে ইহা দ্বারা অধিক কলঙ্কের সময় হইতে অল্প কলঙ্কের সময়ই ছুর্ভিক্ষ প্রমাণীকৃত হয়।

পূর্বেই বলা হইয়াছে সূর্য্যাকায়ার যে যে স্থানে হইতে আলোক অদৃশ্য হয় সেই সেই স্থানে আমরা কলঙ্ক দেখিতে পাই। সুতরাং কলঙ্কের সময় অপেক্ষা, অল্প কলঙ্কের সময় সূর্য্যোত্তাপ অধিক পরিমাণে পাওয়া যায়। এবং পৃথিবীর অপর সকল স্থান অ-পেক্ষা বিষুব-রেখা-সন্নিহিত স্থানেই সূর্য্যো-ত্তাপ অধিক, সূর্য্যোত্তাপের সহিত বৃষ্টির সম্বন্ধও সর্বত্র বিদিত। বৃষ্টি হইবার জন্য তাপের আবশ্যিক বটে, কিন্তু অতিরিক্ত উত্তাপ হইলে আবার অল্প বৃষ্টি হয়। মৌর কলঙ্কের অল্পতার সময় উত্তাপের আধিক্য বশতঃ দক্ষিণ ভারতবর্ষ ও অন্যান্য প্রদেশে অনাবৃষ্টি-জনিত ছুর্ভিক্ষ দেখা দেয়।

ইহা ব্যতীত বৈজ্ঞানিকেরা বহু-আয়াম-নাশ্য অনুসন্ধান দ্বারা স্থির করিয়াছেন যে পৃথিবীর চৌম্বিক ও বৈজ্ঞাতিক কার্যের সহিত মৌর কলঙ্কের ঘনিষ্ঠ সম্বন্ধ। মৌর কলঙ্কের সংখ্যা বৃদ্ধির সহিতই চৌম্বিক ও

বৈজ্ঞাতিক কার্যের আধিক্য লক্ষিত হয়। যখন প্রবল বেগে সূর্য্যে ঘূর্ণ ঝটিকা আরম্ভ হয়, তখন পৃথিবী-পৃষ্ঠ-স্থিত প্রত্যেক ক্ষুদ্র চুম্বক-শলাকা বিচলিত হয় এবং সেই সময়ে উভয়-মেরু-সন্নিহিত প্রদেশে বৈজ্ঞাতিক আলোকের প্রাচুর্য্য দেখা যায়।

সূর্য্যের বাষ্পাবরণ।

পৃথিবীর যেমন বাষ্পাবরণ আছে, সূর্য্যের আলোকমণ্ডলও তেমনি বাষ্পাবরণে আ-চ্ছাদিত। সূর্য্যের পূর্ণ গ্রহণের সময় প-রীক্ষা দ্বারা অল্পদিন মাত্র এই বাষ্পাবরণ আবিষ্কৃত হইয়াছে।

যখন সূর্য্যকে পূর্ণ গ্রাস করিয়া ভ্রমর-কৃষ্ণ চন্দ্রমূর্তি রজত-প্রভ একটি মুহূ আ-লোক-চ্ছটায় পরিবেষ্টিত থাকে, তখন সেই রজত-প্রভ চ্ছটা-মুকুট ব্যতীত, চন্দ্রমণ্ডলের নিম্নস্থ ভিন্নভিন্ন স্থান হইতে মুহূমুহঃ গোলাপ-কুমুম-বর্ণাভ অগ্নিশিখাসমূহের স্ফু-লিঙ্গ ছুটিতে থাকে। এই দুইটির মধ্যে চ্ছটা-মুকুট বহুকাল হইতে এমন কি কেপ-লারের সময় অবধি মনুষ্যের দৃষ্টিগোচর হই-য়াছে; কিন্তু শেষোক্ত অগ্নি-স্ফুলিঙ্গ দুই শত বৎসরের পূর্বে কেহ দেখে নাই। এই চ্ছটামুকুট চন্দ্রের বাষ্পাবরণ কিন্ম সূর্য্যের তাহা প্রথমে ঠিক হয় নাই, পরে অর্ধ শতাব্দী পূর্বে অনুমিত হইল, চ্ছটা-মুকুট সূর্য্যের বাষ্পাবরণ, এবং উপরোক্ত স্ফুলিঙ্গ-রাশি এই চ্ছটা-মুকুটে ভাসমান সূর্য্য-লোকের লোহিতবর্ণ মেঘমালা। কিন্তু চ্ছটা-মুকুট প্রকৃত বাষ্পাবরণ না হউক ইহা যে সূর্য্য-লোক-অন্তর্ভূত কোন পদার্থ তাহার আর সন্দেহ নাই। পরবর্তী পরীক্ষায় এ সম্বন্ধে যাহা নির্দ্ধারিত হইয়াছে তাহা পরে প্রকাশ্য, পূর্বেক্ত অগ্নিস্ফুলিঙ্গ সকল কি তাহা অগ্রে দেখা যাউক।

১৮৬০ খৃষ্টাব্দে সূর্য্য-গ্রহণের সময়,

স্পেনদেশের পরীক্ষা হইতে এই অগ্নিস্ফুলি-  
ঙ্গও সূর্যালোকভুক্ত বলিয়া প্রমাণ হইয়া  
যায়। এই সময় রশ্মিনির্বাচক (Spectroscope \*  
একটি নূতন যন্ত্রের আবিষ্কার হয়। ইহা  
দ্বারা পরবর্তী পূর্ণ গ্রহণের সময় অনেক গুলি  
সৌর রহস্য ভেদ হইল। এই গ্রহণ উত্তম  
রূপে দেখিবার নিমিত্ত জ্যানসেন নামক  
এক জন ফরাসী জ্যোতির্বেত্তা ভারতবর্ষে  
আগমন করিয়াছিলেন। গ্রহণের দিনে যখন  
চন্দ্র ক্রমশঃ অগ্রসর হইয়া সূর্যের শেষ রশ্মি  
গ্রাস করিয়া ফেলিল, তখন সহস্র সহস্র  
ক্রোশ বিস্তৃত একটি অগ্নিশিখা নেত্রগোচর  
হইল। জ্যানসেন তদভিমুখে রশ্মি-নির্বাচ-  
ক যন্ত্রসংযোগ পূর্বক দেখিলেন ইহা জ্বলন্ত  
জলজান বাষ্প, ইহা প্রতিফলিত আলোকে  
আলোকময় নহে, জ্বলন্ত উত্তাপেই ইহা  
প্রজ্বলিত। কিছু দিন পরে নর্মাণ লকিয়র  
এই পরীক্ষায় হস্তক্ষেপ করিয়া একই সিদ্ধান্তে  
উপনীত হইলেন। এই সকল পরীক্ষার  
ফলে জানা যায়, সূর্যের আলোকমণ্ডল  
একটি জ্বলন্ত বাষ্পাবরণে আচ্ছাদিত। এই  
বাষ্পাবরণ নর্মাণ লকিয়র বর্ণমণ্ডল (Chromo-  
sphere) নামে নির্দেশ করিয়াছেন।

বর্ণমণ্ডল।

বর্ণমণ্ডলের সর্বোপরিস্থিত প্রধানতঃ  
জলজান বাষ্প, কিন্তু ইহার নিম্নস্থিত সকল,  
লৌহ ম্যাগনেশিয়াম প্রভৃতি ধাতব বাষ্পময়।  
বর্ণমণ্ডল হইতে উৎক্ষিপ্ত পদার্থরাশিই  
লোহিত অগ্নি স্ফুলিঙ্গরূপে আমাদের নিকট  
প্রতিভাত হয়। বর্ণমণ্ডলই সূর্যের যথার্থ  
বাষ্পাবরণ। এই ভীষণ জ্বলন্ত বাষ্প-সমুদ্র

\* এই যন্ত্রের দ্বারা জ্বলন্ত পদার্থের মৌলিক অংশ  
নির্গত আলোক ভিন্ন ভিন্ন বর্ণে বিশ্লিষ্ট হয়, এবং সেই  
বিশ্লিষ্ট আলোকের বর্ণ হইতে ঐ জ্বলন্ত পদার্থের  
নির্মাণোপকরণ নির্দ্ধারিত করা যায়।

হইতে মুহূর্ত্তঃ শতাধিক মাইল বেগে যে  
পদার্থরাশি চারি দিকে উৎক্ষিপ্ত হইতেছে,  
সে প্রবল ঝটিকা কে বর্ণনা করিবে? এই  
রূপ ভীষণ-পরাক্রম ঝটিকা-দানব আপন  
দোদর্ভ-বলে সমস্ত ভারতবর্ষ ধূলিরাশিতে  
পরিণত করিয়া অর্দ্ধ ঘণ্টায় ইংলণ্ডে উপ-  
নীত হইতে পারে। মানুষের ভাষায় ইহার  
প্রতাপ প্রকাশ করা অসম্ভব। এই ঝটিকা  
তাড়নে বর্ণমণ্ডলের প্রান্তদেশ সর্বদাই ক্ষত  
বিক্ষত। বর্ণমণ্ডল হইতেও আমরা কিয়ৎ  
পরিমাণে উত্তাপ পাই।

বাষ্পাবরণ না থাকিলে সূর্য আমাদের  
নিকট এখনকার অপেক্ষা অনেক পরি-  
মাণে জ্বলন্ত ও উত্তপ্ত হইত, এবং তাহা  
হইলে সূর্যের বর্ণ গাঢ়-নীলাভময় হইত।  
বর্ণমণ্ডল ভেদ করিয়া আসিবার সময়  
অনেক সূর্যরশ্মি ইহাতে লীন হইয়া  
যায়; সূর্য-বিক্ষিপ্ত রশ্মির মধ্যে অল্পই বা-  
ষ্পাবরণ ভেদ করিয়া আসিতে পায়। বাষ্পা-  
বরণ না থাকিলে যে সূর্যের কতগুণ প্রতাপ  
বাড়িত তাহা এখনো নিশ্চিতরূপে সিদ্ধান্ত  
হয় নাই। লাপ্লাস বলেন সূর্য-বিক্ষিপ্ত রশ্মির  
১২ ভাগের ১ ভাগ মাত্র বাষ্পাবরণ ভেদ  
করিয়া বহির্গত হয়, এবং অবশিষ্ট ১১ ভাগ  
ইহাতে লীন হয়। কিন্তু আধুনিক বৈজ্ঞানিক  
নিকদিগের মতে অর্ধেকের অধিক সূর্যরশ্মি  
বাষ্পাবরণে মিশিয়া যাইবার বড় সম্ভাবনা  
নাই। মানুষ্য জন্মিবার পূর্বে যে বহুকাল  
ব্যাপী একটি ভীষণ শীতকালের প্রাজ্বল্য  
হইয়াছিল ল্যাংলি বলেন তাহা উপরোক্ত  
কারণে সংঘটিত। সে সময়ে সূর্যরশ্মি  
এখনকার অপেক্ষা অধিক পরিমাণে বাষ্পা-  
বরণে লীন হইত বলিয়াই সেই ভীষণ  
শীতের আবির্ভাব হয়।

বিশেষ যন্ত্রের সহিত সূর্যকে পরীক্ষা  
করিয়া দেখিলে দেখা যায়, সূর্য-গোলকের

মধ্যস্থান যেরূপ উজ্জ্বল, প্রান্তবর্তী স্থানের উজ্জ্বলতা সেরূপ নহে। সূর্য্য-গোলকের ভিন্ন ভিন্ন স্থানের রশ্মি-বিকিরণ-পরিমাণ তুলনা করিয়া দেখা গিয়াছে, সূর্য্যের প্রান্ত-ভাগ হইতে আমরা সর্ব্বাপেক্ষা অল্প পরিমাণে কিরণ পাই। কি উত্তাপ-জনক কি আলোক-জনক, কি রাসায়নিক-শক্তি-উৎপাদক সকল প্রকার রশ্মিই সূর্য্যের প্রান্ত-ভাগ হইতে অপেক্ষাকৃত অল্প পরিমাণে আইসে। ইহার কারণ অবিসম্বাদে নির্দ্ধারিত হইয়াছে। সূর্য্য হইতে ঠিক লম্ব ভাবে (Vertically) নিক্ষিপ্ত কিরণমালা অপেক্ষা চাক্রবালিক রূপে নিক্ষিপ্ত কিরণমালার অধিক-দূর-ব্যাপী বাষ্পাবরণ ভেদ করিতে হয়। এবং যে কিরণমালা যত অধিক-দূর-ব্যাপী বাষ্পাবরণ ভেদ করে তাহা তত অধিক পরিমাণে বাষ্পের সহিত মিশিয়া যায়। সূর্য্য-গোলকের মধ্যভাগস্থ কিরণমালা ঠিক লম্বভাবে নিক্ষিপ্ত হয়, এবং সূর্য্যের প্রান্ত-ভাগস্থ কিরণ চাক্রবালিক রূপে বাষ্পাবরণ ভেদ করে, সেই জন্য আমরা এই দুই স্থানের রশ্মিবিকিরণের এত বিভিন্ন পরিমাণ দেখিতে পাই।

ছটা-মুকুট-মণ্ডল।  
বর্ণ-মণ্ডল হইতে উৎক্ষিপ্ত বাষ্পের অতি লঘু যে সকল অংশ তাহার বহির্ভাগে আর একটি স্বক্ষ্ম আবরণরূপে ছড়াইয়া পড়ে, তাহাই গ্রহণের সময় চন্দ্রের মুকুটরূপে শোভিত হয়, তাহাকে সেই জন্য ছটা-মুকুট-মণ্ডল কহে।  
সচরাচর বাষ্পাবরণ অর্থে, আপনার স্থিতি-স্থাপকতা-বলে অবস্থিত ক্রম-বিন্যস্ত-স্তর-সমষ্টি-মণ্ডল যে বাষ্পরাশি বুঝায়, ছটা-মুকুট-মণ্ডল সে অর্থে বাষ্পাবরণ নামে অভিহিত হইতে পারে না। এই সম্বন্ধে দুইটি বিশেষ বলবৎ যুক্তি দেখা যায়—

প্রথম, সূর্য্যের মাধ্যাকর্ষণ পৃথিবী অপেক্ষা ২৭ গুণ অধিক, সুতরাং পৃথিবীতে যে বস্তু যত ভারী, সূর্য্যালোকে সেই বস্তুর তাহা অপেক্ষা ২৭ গুণ অধিক ভার বলিয়া পৃথিবীর সকল বাষ্পই সূর্য্যালোকে ২৭ গুণ অধিকভার যুক্ত হইবে।

কোন বাষ্পাবরণের উপর দিক হইতে নিম্নাভিমুখে গমন করিলে দেখিতে পাওয়া যায় যে উপরিস্থ বাষ্পস্তরের চাপে নিম্নস্থ বাষ্প-স্তরের উত্তরোত্তর সঙ্কোচন সহকারে তাহার ঘনত্ব (Density) বৃদ্ধি হয়। জলজান বাষ্প হইতে লঘু কোন বাষ্প এখনো আবিষ্কৃত হয় নাই। সেই লঘুতম বাষ্পের সূর্য্য হইতে লক্ষ মাইল দূরে থাকিতে হইলে যেরূপ উষ্ণ অবস্থায় থাকা আবশ্যিক, এবং উষ্ণতা-বৃদ্ধির সঙ্গে সঙ্গে ইহার যেরূপ লঘু হইবার সম্ভাবনা, ছটা-মুকুট-মণ্ডল সেইরূপ অতি লঘু জল-জান বাষ্পের হইলেও সূর্য্যের প্রবল মাধ্যাকর্ষণ-প্রভাবে তাহার প্রত্যেক ৫ কিম্বা ১০ মাইল নিম্নে দ্বিগুণ ঘনত্ব হইত। কিন্তু ছটামুকুট হইতে নিম্নে গমন-কালে এই পরিমাণ অনুসারেও তাহার ঘনত্ব বৃদ্ধি হইতে দেখা যায় না। এই নিয়মে ঘনত্ব বৃদ্ধি হইলে সূর্য্যের সাধারণ ঘনত্ব এখনকার অপেক্ষা অনেক গুণ অধিক হইত; এখন সূর্য্যের সাধারণ ঘনত্ব পৃথিবীর ঘনত্বের ৪ ভাগের এক ভাগও নহে। সুতরাং কল্পনাভীত-লঘু-বাষ্পপূর্ণ ছটামণ্ডলকে আমরা বাষ্পাবরণ অর্থে বুঝিতে পারি না।

দ্বিতীয়—১৮৪৩ খৃষ্টাব্দে একটি ধূমকেতু প্রাতি সেকেণ্ডে ৩৫০ মাইল গতিতে এই মণ্ডলে প্রবেশ করিয়া ইহার তিন লক্ষ মাইল ভেদ করিয়া চলিয়া যায়। তাহাতে এই ধূমকেতু বাষ্পীভূত হওয়া দূরে থাক, ইহার গতির পর্য্যন্ত কিছুমাত্র ব্যতিক্রম হয় নাই।

আমরা যে সকল উল্কাপিণ্ডকে তারার মত খসিয়া পড়িতে দেখি, তাহাদের গতি প্রতি সেকেণ্ডে ২০ হইতে ৪০ মাইলের অধিক নহে। এই অপেক্ষাকৃত মন্দগতি, ভ্রাম্যমান উল্কাপিণ্ড, পৃথিবীর বাষ্পাবরণের সর্কেপারি স্থিত অতি সূক্ষ্মতম বাষ্পস্তরের উর্দ্ধ সংখ্যা এক শত মাইল নীচে আসিতেই ঘর্ষণে বাষ্পীভূত হয়। সুতরাং প্রতি সেকেণ্ডে তিন শত পঞ্চাশ মাইল গতিতে ধাবিত কোন বস্তু, যে বাষ্পাবরণ মধ্য দিয়া অপ্রতিহত বেগে চলিয়া বাইতে পারে তাহার বাষ্প যেকত লঘু তাহা আমরা কল্পনাই করিতে পারি না।

এই ছটা-মুকুট-মণ্ডল যদি বাষ্পাবরণ নহে, তবে ইহা কি? সম্ভবতঃ ইহা সূর্য্যালোক-প্রজ্বলিত অতি লঘু ক্ষুদ্র ক্ষুদ্র বিভিন্ন বাষ্পাণুরাশি। কিন্তু বাষ্পাণুনির্মিত ছটা-মণ্ডলের অণুরাশি কি প্রকারে ছটামণ্ডলে রক্ষিত হইতে পারে, এই তুরূহ সমস্যার অদ্যাবধি স্থির উত্তর পাওয়া যায় না। এই অণুসকল যে একই স্থানে অবস্থিত নহে তাহা ছটা-মুকুট-মণ্ডলের ঘন ঘন আকৃতি-পরিবর্তন দ্বারা বিশেষরূপ প্রমাণ হয়। ১৮৬৯ খৃষ্টাব্দের সূর্যগ্রহণের সময় ডাক্তার গুল্ড তিন মিনিটের মধ্যেই ইহার আকারের পরিবর্তন দেখিয়াছিলেন। ছটামুকুট সম্বন্ধে প্রচলিত মতের তিনটি এখানে সন্নিবেশ-যোগ্য।

প্রথম—সূর্যের অতি-নিকট-সঞ্চারী ক্ষুদ্র গ্রহখণ্ড বাষ্পীভূত হইয়া লঘু মেঘরূপে পরিণত হয় এবং সেই অতি লঘু মেঘই ছটামুকুট।

দ্বিতীয়—সূর্য্য-বিক্ষিপ্ত পদার্থ সকল বৈজ্যাতিক তাড়ন-কার্য্য দ্বারা দূরে রক্ষিত হইতেছে।

তৃতীয়—সূর্য্য হইতে বিক্ষিপ্ত পদার্থ

সকল মাধ্যাকর্ষণ-বলে একবার সূর্য্যে ফিরিয়া আসিতেছে, আবার ঝটিকা-বলে দূরে বিক্ষিপ্ত হইতেছে। এবং বারম্বার এইরূপ উৎক্ষেপণ ও নিক্ষেপণ দ্বারা ছটামুকুটের আকার শীঘ্র শীঘ্র পরিবর্তিত হইতেছে।

এই তিনটিই কেবল অনুমান, ইহাদের সমর্থনকারী তেমন সারণ্য বৃদ্ধি নাই।

এখন আমরা দেখিয়া আসিলাম, পৃথিবী হইতে সূর্যালোকে গমনকালে সর্কোপারি ছটামুকুটে প্রবেশ করিয়া সেখান হইতে বর্ণমণ্ডল, বর্ণমণ্ডল হইতে আলোক-মণ্ডল এবং আলোক-মণ্ডল দিয়া অভ্যন্তরে উপনীত হইতে হয়।

সূর্যের নিষ্কাশনপত্র।

সূর্য্য যে সকল মৌলিক পদার্থে নির্মিত, তাহার সমস্ত আমাদের বিদিত পদার্থ নহে। রশ্মি-নির্বাচক বস্ত্র দ্বারা সূর্য্যে জলজান, ম্যাগনেশিয়ম, ক্যালসিয়ম, সোডিয়ম, ম্যাগনেশিয়ম, গ্যানিস্, নিকল, ব্যারিয়ম, ক্রোমিয়ম, প্রভৃতি অন্যান্য ধাতব বাষ্প ছাড়া সর্কোপারি সকল বাষ্প দেখা যায় তাহা পৃথিবীতে নাই।

উপসংহার।

এই প্রস্তাবটি শেষ করিবার আগে আর একটি কথা বলা উচিত। যে সূর্য্য জগতের প্রাণ-স্বরূপ বাহার সহিত মাত্র সম্বন্ধ-শূন্য হইলেও তৎক্ষণাত উপগ্রহদিগের প্রলয় নিশ্চিত, সেই বিক্রমশালী সূর্য্যের প্রভাব অনন্ত কাল সমভাবে থাকিবে কি না এই কথাটি জগতের একটি গুরুতর সমস্যা দাঁড়াইয়াছে।

আধুনিক বৈজ্ঞানিকেরা যে সমস্ত নিয়মকে সূর্য্যের সম-পরিমাণ উত্পাদনকার কারণ মনে করেন, তাহা সত্য হইলে সূর্য্যের প্রভাব চিরস্থায়ী হইবার সম্ভাবনা

নাই। পূর্বেই বলা হইয়াছে আমরা সূর্য্য হইতে যে উত্তাপ পাই সূর্য্য তাহার ২১৭০০০০০০ গুণ উত্তাপ শূন্যে বিকিরণ করে। এই উত্তাপ সমপরিমাণে বিকীর্ণ করিবার নিমিত্ত প্রত্যেক বৎসরে ২২০ ফুট বা প্রত্যেক শতাব্দীতে ২ ক্রোশ করিয়া সূর্য্য-বাস সঙ্কুচিত হওয়া আবশ্যিক। তাহা হইলেই সূর্য্যোত্তাপ সমভাবে রক্ষিত হইতে পারে। কিন্তু বহুকাল ধরিয়৷ এইরূপ উত্তাপ বিকিরণ ও সঙ্কোচন দ্বারা পরিমিতায়তন সূর্য্য কি কালে শীতল হইয়া যাইবে না!

উত্তাপ বিক্ষেপ করিয়া করিয়া সূর্য্য-ভ্যন্তর বাষ্পীয় অবস্থা হইতে তরল বা কঠিন হইতে আরম্ভ হইয়াছে কি না তাহা এখনো অপরিজ্ঞাত, সেই জন্য কত দিন সূর্য্যের উত্তাপ এইরূপ সমভাবে থাকিবে তাহা নিশ্চয় গণনা করা যায় না। তবে উত্তাপ-রক্ষার জন্য সূর্য্যের যে পরিমাণে সঙ্কুচিত হওয়া আবশ্যিক সেই সঙ্কোচন-পরিমাণের গণনা দ্বারা স্থূলতঃ এই রূপ বলা যাইতে পারে যে আর ৫০ লক্ষ বৎসরে সূর্য্য আরতনে এখনকার অর্ধেক হইয়া পড়িবে, এবং যদি সূর্য্যের অভ্যন্তর-দেশ এখনো কঠিন হইতে আরম্ভ হইয়া না থাকে তবে সম্ভবতঃ তখন কঠিন হইতে আরম্ভ হইয়া, ক্রমশঃ উত্তাপ হারাইতে থাকিবে। ১০০ লক্ষ বৎসর পর্য্যন্তও সূর্য্য জীবন রক্ষার উপযোগী উত্তাপ দিতে পারিবে কি না সন্দেহ। কিন্তু ঈশ্বরের এই সৃষ্টি-রহস্যের তথ্য নির্ণয় করা আমাদের জ্ঞানের সাধ্য নহে। বিজ্ঞানালোকে প্রতিদিন আমাদের অজ্ঞান-অন্ধতা আরো সুস্পষ্টরূপে দেখাইয়া দিতেছে। বৈজ্ঞানিকেরা এককালে যাহা অসম্ভব স্থির করিয়াছেন, তাহার ভুল আবার

পরবর্তী জ্ঞানালোকে দূর হইয়াছে। এই মহান সৃষ্টি আমাদের নিকট কি গম্ভীর প্রাহেলিকাময়। এ বিষয়ে আমরা

“ Like an infant crying in the night,  
Like an infant crying for the light,  
With no other voice than a cry.

শিশুর ন্যায় অন্ধকারে রোদন করিতেছি—শিশুর ন্যায় আলোকের জন্য রোদন করিতেছি—রোদন ব্যতীত অন্য স্বর আমাদের নাই।

মহা পণ্ডিতগণ এবং নিতান্ত অজ্ঞ অসভ্য লোকদিগের মধ্যে এই সৃষ্টির জ্ঞান সম্বন্ধে বিশেষ কিছু প্রভেদ দেখা যায় না। এস্থলে একটি গল্প মনে পড়িল। একজন পাদরি একজন অসভ্যকে জিজ্ঞাসা করিয়াছিলেন এই সকল বিশ্ব সংসার কে সৃষ্টি করিয়াছে? অসভ্য বলিল “আমার পিতা” পাদরি বলিলেন “তোমার যখন পিতা ছিলেন না তখন কি সৃষ্টি ছিল না?”—তখন অসভ্য বলিল “তাহা আমি জানি না।”

আর এক জন বৃদ্ধ অসভ্য এই কথায় বলিল যে “হাঁ তাহার পূর্বেও এই সৃষ্টি ছিল এবং স্রষ্টার নাম “জিজ্ঞাসা ও আশ্চর্য্য” (Interrogation and Admiration)

সেই অসভ্যের উত্তর কি সুন্দর! এই সমগ্র সৃষ্টি বাস্তবিক একটি জিজ্ঞাসা ও আশ্চর্য্য ছাড়া আমাদের নিকট আর কি? তবে আমরা এই মাত্র নিঃসন্দেহে বলিতে পারি যে মঙ্গলময়ের মঙ্গল ইচ্ছাই সম্পন্ন হইবে।

সঙ্কোচন নিয়মানুসারে সূর্য্যের অতীত ব্যাস গণনা দ্বারা জানা যায়, ১০০ শত বৎসর পূর্বে সূর্য্য এখনকার অপেক্ষা দুই ক্রোশ ও দুই শত বৎসর পূর্বে চার ক্রোশ বড় ছিল, এইরূপে এক সময় সূর্য্য-বাষ্প বুধের কক্ষ পর্য্যন্ত বিস্তৃত ছিল, তৎপূর্বে পৃথি-

বীর কক্ষ পর্যন্ত এবং আরো পূর্বে সমস্ত সৌর জগৎময় ব্যাপ্ত থাকিবার কথা।

কাণ্ট ও ল্যাপ্লাস সৌর জগতের গতির আশ্চর্য্য রূপ সামঞ্জস্য দেখিয়া অবরোহী নিয়মানুসারে এই জগতের উৎপত্তির যে প্রণালী কল্পনা করিয়াছিলেন আধুনিক বৈজ্ঞানিকেরা প্রাকৃতিক নিয়মের অনুবর্তী হইয়া আরোহী নিয়মানুসারেও সেই একই সিদ্ধান্তে উপনীত হইয়াছেন। দুই দিক হইতেই আমরা দেখিতে পাই আমাদের সূর্য্য এক সময়ে ঘূর্ণমান বিশাল গোলাকার জ্বলন্ত বাষ্পরাশিরূপে সমস্ত সৌর জগতে ব্যাপ্ত ছিল। পরে সেই বাষ্পরাশির বিষুব-রেখা অংশ কেন্দ্রাকর্ষণ অতিক্রম করিয়া এক একটি বাষ্পচক্ররূপে ক্রমে মূলংশ হইতে বিচ্ছিন্ন হইতে লাগিল, এবং সেই পরিত্যক্ত চক্রগুলি আবার মাধ্যাকর্ষণের নিয়মে এক একটি গ্রহরূপ ধারণ করিয়া মধ্যের বৃহত্তর গোলকের চতুর্দিকে ধাবমান হইল। মধ্যের বৃহত্তর গোলকই আমাদের সূর্য্য। সেই অতি বিস্তৃত সৌরজগৎব্যাপী বাষ্প যদি আদিম কাল হইতে নিয়মিতরূপে প্রতি শতাব্দিতে ২ ক্রোশ করিয়া সঙ্কুচিত হইয়া থাকে, এবং কোন অপরিজ্ঞাত নূতন শক্তি দ্বারাও সূর্য্যের উত্তাপ না রক্ষিত হইয়া থাকে, তাহা হইলে সূর্য্যের বয়ঃক্রম এখন ১৮০০০০০০ বৎসরের অধিক হইতে পারে না। তবে যদি সূর্য্য আদিম অবস্থায় এখনকার অপেক্ষা অল্পপরিমাণে উত্তাপ ব্যয় করিয়া থাকে, তাহা হইলে অল্পপরিমাণ সঙ্কোচনের আবশ্যিকতা হেতু সূর্য্যের বয়ঃক্রম ১৮০০০০০০ বৎসরের কিছু অধিক হইবে এবং পূর্বে যদি এখনকার অপেক্ষাও অধিক উত্তাপ দিয়া থাকে, তাহা হইলে সূর্য্য ১৮০০০০০০ বৎসর হইতেও ন্যূন বয়স্ক। অনেক দিন হইতে সূর্য্য সম্বন্ধীয় আর একটি কথার আন্দোলন চলিতেছে।

সূর্য্যের গ্রহগণ যেমন সূর্য্যের চতুর্দিকে ধাবমান সূর্য্য তেমনি আর কোন সূর্য্যের চতুর্দিকে ঘুরিতেছে কি না? কাণ্ট স্থির করিয়াছিলেন যে সূর্য্য সিরিয়স নক্ষত্রকে অবলম্বন করিয়া আকাশে ভ্রাম্যমান; কিন্তু এই মত পরবর্তী বৈজ্ঞানিক অগ্নি-পরীক্ষার উত্তীর্ণ হইতে পারে নাই। এখন এই রূপ প্রমাণ হইয়াছে যে সূর্য্য পরিবারবর্গকে লইয়া হারকিউলিস রাশির দিকে ধাবিত।

### বিদ্যালয়ে ধর্ম্মশিক্ষা।

বর্তমান কাল ধর্ম্ম-বিশ্বাস-শূন্যতার কাল। একাল নাস্তিকতা ও জড়বাদের কাল। পৃথিবীর যে সভ্যদেশের বর্তমান অবস্থা পর্য্যালোচনা করা যায়, সেই দেশেই দেখা যায় যে তথাকার লোকদিগের প্রাচীন কালের ন্যায় ঈশ্বরভক্তি ও ধর্ম্মনিষ্ঠা নাই। যতই বিজ্ঞানের উন্নতি হইতেছে, যতই লোকের ঐহিক সুখ স্বচ্ছন্দতার উপায় বর্দ্ধিত হইতেছে, যতই সভ্যতা ক্রীড়িত লাভ করিতেছে, ততই লোকের ঐহিক জীবনের প্রতি-পার্থিব সুখ মৌভাগ্যের প্রতি মনোযোগ আকৃষ্ট হইতেছে, এবং ততই ঈশ্বর হইতে, ধর্ম্ম হইতে, পারলৌকিক জীবনে বিশ্বাস হইতে তাহাদিগের হৃদয় বিচলিত হইয়া পড়িতেছে। বর্তমান কালের ধর্ম্ম-বিশ্বাস-শূন্যতাই বর্তমানকালীন মনুষ্য-সমাজের ভয়ানক রোগ। যাহাতে এই রোগ বিস্তৃত না হয়, এবং যাহাতে ইহার নিরাকরণ হয়, তদ্বিষয়ে সমাজ-সংস্কারকদিগের বিশেষ মনোযোগ দেওয়া আবশ্যিক।

এই ধর্ম্ম-বিশ্বাস-শূন্যতার দিকে সমাজের গতিরোধ করিবার জন্য বিদ্যালয় সমূহে ধর্ম্মশিক্ষা প্রদান করা একটি প্রকৃষ্ট উপায়। বর্তমান সময়ে আমাদের দেশে

বিদ্যালয়ে যে শিক্ষা প্রদত্ত হয় তাহাতে ধর্মশিক্ষা হওয়া দূরে থাকুক, অধর্ম-শিক্ষা হইয়া থাকে। সম্প্রতি এল, এ, বি, এ, পরীক্ষার্থী ছাত্রদিগের পাঠার্থ্য এরূপ কতকগুলি পুস্তক বিশ্ববিদ্যালয়ের অধ্যক্ষগণ কর্তৃক নির্দিষ্ট হইয়াছে, যাহাতে স্পষ্টতর নাস্তিকতা ও জড়বাদ মতের যুক্তিযুক্ততা প্রতিপন্ন করা হইয়াছে। আমরাদিগের দেশের বিদ্যালয় সমূহ যদিপি জড়বাদী ও নাস্তিক প্রস্তুত করিবার যন্ত্রস্বরূপ হয় তাহা হইলে ইংরাজী শিক্ষা দেশের মঙ্গলের কারণ না হইয়া, সমূহ অনিষ্টের নিদানভূত হইবে! দেশের শিক্ষিত ব্যক্তি সকল ধর্মশূন্য হইলে আর সে দেশের মঙ্গল কোথায়? ধর্ম সমাজের ভিত্তি-স্বরূপ। ধর্ম না থাকিলে কোন সমাজই থাকিতে পারে না। কোন সমাজ ধর্মশূন্য হইলেই তাহার মধ্যে যথেষ্টাচার ও নানা প্রকার বিশৃঙ্খলা উপস্থিত হইয়া তাহাকে সমাজ নামের অযোগ্য করিয়া তুলে। ধর্ম জাতীয় উন্নতির কারণ। যে জাতির মধ্যে ধর্মের সমান নাই, যে জাতির লোকেরা ধর্মপরায়ণ নহে, যে জাতির উপর অধর্মের রাজ্য বিস্তৃত হইয়াছে সে জাতি প্রকৃত উন্নতির পথে কুত্রাপি অগ্রসর হইতে পারে না। ইতিহাস পর্য্যালোচনা করিলে দেখা যায় যে যখন যে জাতি ধর্মশূন্য হইয়া পড়িয়াছে, তখনই সেই জাতির পতন হইয়াছে। যে ধর্ম না থাকিলে সমাজ তিষ্ঠিতে পারে না, যে ধর্ম না থাকিলে প্রকৃত জাতীয় উন্নতি সম্ভব নহে, যে শিক্ষাপ্রণালী আমাদের পক্ষে সেই ধর্ম হইতে বিচ্যুত করে, সেই শিক্ষাপ্রণালী যত শীঘ্র অপনোদিত হইয়া তৎস্থানে ধর্মপ্রধান শিক্ষাপ্রণালী প্রবর্তিত হয় তদ্বিষয়ে সবিশেষ চেষ্টা করা আবশ্যিক। যাহাতে বর্তমান কালে প্রচ-

লিত ধর্মশূন্যতা ও নাস্তিকতার প্রশ্রয়কারী শিক্ষাপ্রণালী অচিরে সংস্কৃত হয় তদ্বিষয়ে আশাদিগের দেশের সমাজ ও ধর্মসংস্কারকগণের যত্নবান হওয়া অতীব কর্তব্য।

অনেকে এইরূপ বলেন যে বিদ্যালয়ে ধর্মশিক্ষা প্রবর্তিত করিতে গেলে কোন না কোন একটি বিশেষ ধর্মমত শিক্ষা দিতে হইবেক। একথা কোন কাজের নহে। পৃথিবীতে এ পর্য্যন্ত যতগুলি ধর্ম উদ্ভিত হইয়াছে, তন্মধ্যে এমন কতকগুলি মত আছে যাহা সকল ধর্মে প্রাপ্ত হওয়া যায়। এই ধর্ম-সাধারণ মত গুলি, প্রথম, ঈশ্বরের অস্তিত্ব, দ্বিতীয়, পরলোকে বিশ্বাস, তৃতীয়, বিবেকানুসারে কার্যের শ্রেয়স্করতা। এই কয়েকটি ধর্মমতের যথার্থতা, সত্যতা, ও যুক্তিযুক্ততা বিশদরূপে যথামতে প্রতিপাদনপূর্বক আমরাদিগের বিদ্যালয়সমূহে ধর্মশিক্ষা প্রদত্ত হইলে আমরাদিগের দেশের শিক্ষিত সম্প্রদায়ের ঈশ্বর-ভক্ত ও ধর্মনিষ্ঠ হইবার সবিশেষ সম্ভাবনা। আমরা সংবাদপত্রে পাঠ করিয়া অত্যন্ত সন্তুষ্ট হইলাম যে সম্প্রতি ফ্রান্স রাজ্যের ব্যবস্থাপক সভায় স্থিরীকৃত হইয়াছে যে তদ্রাজ্যের সমস্ত বিদ্যালয়ে ঈশ্বরের অস্তিত্ব এবং স্বদেশের প্রতি ও ঈশ্বরের প্রতি কর্তব্য পালন সম্বন্ধে শিক্ষা প্রদত্ত হইবে। আমরা হৃদয়ের সহিত ইচ্ছা করি যে ফ্রান্স রাজ্যের ব্যবস্থাপক সভার দৃষ্টান্ত অবলম্বন পূর্বক আমরাদিগের রাজপ্রতিনিধি যাহাতে ভারত-বর্ষের সমস্ত বিদ্যালয়ে ঐরূপ সাধারণ-ধর্ম-শিক্ষা প্রবর্তন করিয়া [ভারতবর্ষীয়দিগকে ধর্ম-পথে প্রকৃত উন্নতির পথে অগ্রসর হইতে সক্ষম করেন। তদ্বিষয়ে ভারতবর্ষের প্রত্যেক দেশ-হিতৈষী ব্যক্তি এবং সামাজিক, রাজনৈতিক ও ধর্মসম্বন্ধীয় সভা সমবেত হইয়া হৃদয় মন বাক্যের সহিত চেষ্টা করিবেন।

## জ্ঞানী বাক্য ।

( গ্রীক গ্রন্থ হইতে উদ্ধৃত ও অনুবাদিত । )

পূর্ণ স্বাধীনতা কেবল ঈশ্বরেরই আছে ।

এস্কাইলস্

তুমি ইহলোকে দশ সহস্র বৎসর জীবিত থাকিবে এরূপ ভাবিয়া কার্য্য করিও না । মৃত্যু সর্বদাই আসন্ন । যত দিন তুমি জীবিত থাকিবে, সচ্চরিত্র ও ন্যায়বান হইবে ।

মার্কস এণ্টোনাইন্স

সেই সময় উপস্থিত-প্রায় যখন তুমি সকলকে ভুলিবে এবং তোমাকে সকলে ভুলিবে ।

ঐ

যাহারা তোমাদিগের অপকার করে তাহাদিগকেও ভাল বাসা কর্তব্য ।

ঐ

বুদ্ধিমান ব্যক্তির শত্রুগণের নিকট হইতেও শিক্ষা লাভ করে । পরিণামদর্শিতা ভবিষ্যৎ-বিপদপাত হইতে রক্ষা পাইবার সর্বোত্তম উপায় । এই উপদেশ আমরা আমাদের বন্ধুগণের নিকট হইতে শিক্ষা করিতে পারি না, ইহা শত্রুদিগের নিকট হইতেই শিখিতে পারি । নাগরিকেরা তাহাদিগের শত্রুদিগের নিকট হইতেই উচ্চ প্রাচীর ও যুদ্ধ-পোত নিৰ্ম্মাণ দ্বারা স্বয়ং সম্ভান সম্ভতি গৃহ সম্পত্তি রক্ষা করা শিক্ষা করিয়া থাকে ।

এরিষ্টোফেনিস

যিনি সর্বদা আশাবিত থাকেন তাঁহার গুণ সকল উজ্জ্বলতম রূপে প্রতিভাত হয় ।

নীচ-অন্তঃকরণ-বিশিষ্ট ব্যক্তিই হতাশ হয় ।

ইউরিপাইডিস

উচ্চ বংশে জন্ম গ্রহণ অপেক্ষা মহৎ কার্য্য করা শ্রেষ্ঠতর ।

ঐ

জ্ঞানী ব্যক্তির আশার উপর নির্ভর করিয়া জীবনযাত্রা নির্বাহ করেন ।

ঐ

যখন ঈশ্বর মনুষ্যকে দুঃখ দিতে ইচ্ছা করেন তিনি প্রথমে তাহাকে বুদ্ধিহীন করেন ।

ঐ

অসহুপায়ে ধনলাভ করিও না; এ প্রকার লাভ ক্ষতির সমতুল্য ।

হিসিওডস

মহদন্তঃকরণ-বিশিষ্ট ব্যক্তি অনায় কৰ্ম্ম জন্য অনুতাপ করিতে ঘৃণা করেন না ।

হোমারস

অপরিচিত ও দরিদ্র ব্যক্তির ত্রুট আমাদিগের নিকট প্রেরিত হয় । আমরা উহাদিগকে যাহা দান করি ঈশ্বরকে ধান দিই ।

ঐ

যৎকালে পিথাগোরাসকে জিজ্ঞাসা করা হইল “কি বিষয়ে দেবগণের সহিত আমাদের সাদৃশ্য আছে ?” তিনি উত্তর করিলেন “উত্তম কৰ্ম্ম করাতে ও সত্য বলাতে ।”

লস্কনস

কোন মহৎ কৰ্ম্ম করিতে লাভ না করিলেও তাহাতে মহত্ত্ব আছে ।

ঐ

সকল স্থানই ঈশ্বরের মন্দির, আত্মাই ঈশ্বরের উপাসনা করে ।

কার্ল

কোন ন্যায়বান ব্যক্তি কখন হঠাৎ ধনবান হইতে পারেন নাই ।

ঐ

প্রতিকূল ঘটনার জন্য নিরাশ হওয়া উচিত নহে কারণ পরিণামে উহা গের মঙ্গলের কারণে দাঁড়াইতে পারে ।

ঐ



যে ব্যক্তি লজ্জিত হয় সে সং।

ক্র।

ক্রমঃ

## ধর্ম ও পুরাতত্ত্ব বিদ্যালয়।

মান্যবর শ্রীযুক্ত তত্ত্ববোধিনী পত্রিকা সম্পাদক  
মহাশয় সমীপেষু

সবিনয় নিবেদন—

কএক দিবস হইল আমি একটি ধর্ম ও পুরাতত্ত্ব বিদ্যালয় স্থাপনের বিষয় চিন্তা করিতেছি। যাহাতে লোকে বেদবেদান্ত প্রভৃতি হিন্দুশাস্ত্র-মূলক উচ্চ ধর্ম শিক্ষা প্রাপ্ত হয়, এবং স্বদেশ-প্রেম দ্বারা উত্তেজিত হইয়া প্রাণপণে স্বদেশের হিত-সাধনে প্রবৃত্ত হয় ইহাই বিদ্যালয়ের উদ্দেশ্য হইবে। স্বদেশ উদ্ধারের প্রধান উপায় স্বদেশ-প্রেমাগ্নি প্রজ্বলিত করা। যে নিয়মে উক্ত বিদ্যালয় চলিবে তাহা নিম্নে বিবৃত হইতেছে। (১) বিদ্যালয়ের নাম “ধর্ম ও পুরাতত্ত্ব বিদ্যালয়” হইবে।

(২) এই বিদ্যালয় আদি ব্রাহ্মসমাজের দ্বিতীয়-বর্ষে মাসিক ব্রাহ্মসমাজের দিবস ব্যতীত প্রতি রবিবারে হইবে। মাসের মধ্যে তিন রবিবার এই বিদ্যালয়ের কার্য হইবে। প্রথম রবিবারে ধর্মগ্রন্থ পাঠ, দ্বিতীয় রবিবারে প্রাচীন ভারতের মহিমা-প্রতিপাদক পুরাতত্ত্ব বিষয়ক গ্রন্থপাঠ, তৃতীয় রবিবারে শরীর, মন, সমাজ, নীতি ও ধর্ম বিষয়ে স্বদেশের হিতসাধন কি কি উপায়ে সাধিত হইতে পারে তাহা উদ্ভিষয়ে উপদেশ দেওয়া হইবে। রাজনীতি ও রাজকার্য আলোচিত হইবে না। হিন্দুশাস্ত্র অবলম্বন করিয়া ধর্ম ও সমাজ-সংস্কার কতদূর সম্পাদিত হইতে পারে তাহার আলোচনায় বিশেষ মনোবোগ প্রদত্ত হইবে।

(৩) ছাত্র সকলের নাম একটি পুস্তকে লিখিত থাকিবে ও প্রতি রবিবারে শিক্ষক সকলে উপস্থিত থাকিবে কিনা নামের সঙ্গে মিলাইয়া দেখিবেন।

(৪) বিদ্যালয়ের কার্য আরম্ভ হইবার পূর্বে শিক্ষক ও ছাত্র দণ্ডায়মান হইয়া সমস্তরূপে নিম্নলিখিত “ধর্ম ও পুরাতত্ত্ব বিদ্যালয়ের মনোরথ প্রকাশ” পাঠ করিবেন।

বিদ্যার্থীদিগের মনোরথ প্রকাশ।

“ধর্মঃ সর্বেষাং ভূতানাং মধুঃ।” “ধর্মাৎপরং নাস্তি।” “ধর্ম সকল জীব সম্বন্ধে মধুস্বরূপ।” “ধর্ম অপেক্ষা শ্রেষ্ঠ বস্তু আর জগতে নাই।” ধর্ম-জ্ঞান সকল জ্ঞান অপেক্ষা শ্রেষ্ঠ; আমরা আত্ম-বুদ্ধি-প্রকাশক ঈশ্বর সমীপে কায়মনোবাক্যে প্রার্থনা করি তিনি আমাদের মনে এই সকল অপেক্ষা মূল্যবান জ্ঞানালোক প্রকাশ করুন। ধর্ম-জ্ঞানের আকর আমাদের পুরাতন শাস্ত্রে যে সকল মহান সত্য নিহিত রহিয়াছে এবং যাহার উচ্চতা ও গভীরতা পৃথিবীর অন্যান্য জাতির বিস্ময় উদ্বেক করিতেছে এই বিদ্যালয়ে সেই সকল সত্য আমাদের অধ্যয়নের বিষয় হইবে। প্রকৃত ধর্ম ঈশ্বরের প্রীতি ও তাঁহার প্রিয়কার্য সাধন। ঈশ্বরকে কেবল ঈশ্বরের জন্য প্রীতি করা, তাঁহার সত্ত্বা সকল সময়ে এমন কি বিষয় কর্ম সম্পাদন সময়েও উজ্জ্বলরূপে সর্বদা উপলব্ধি করা, তাঁহার প্রিয়কার্য প্রাণপণে সম্পাদন করা ঈশ্বর-প্রীতির প্রকৃত চিহ্ন। ঈশ্বরের প্রিয় কার্যের মধ্যে স্বদেশের উপকার সাধন সর্বাপেক্ষা প্রধান। “জননী জন্মভূমিঞ্চ স্বর্গাদপি গরীয়সী।” (ইহা তিনবার বলিতে হইবে)। ভারতবর্ষ আমাদের জন্মভূমি, ভারতবর্ষের উপকার সাধনে আমরা প্রাণপণে যত্ন করিব। মুসলমান ও ভারতবাসী অন্যান্য জাতির সঙ্গে আমরা রাজনৈতিক ও অন্যান্য বিষয়ে যতদূর পারি যোগ দিব, কিন্তু কৃষক যেমন পরিমিত ভূমিখণ্ড কর্ষণ করে, সমস্ত দেশ কর্ষণ করে না, সেইরূপ হিন্দুসমাজই আমাদের কার্যের প্রধান ক্ষেত্র হইবে। প্রাচীন ভারতবর্ষ শরীর, মন, সমাজ, ধর্ম, নীতি, শিল্প, বিজ্ঞান বিষয়ে যেরূপ উন্নত অবস্থায় অবস্থাপিত ছিল, পুনরায় সেই অবস্থা লাভ করিতে এমন কি, তদপেক্ষা উচ্চতর অবস্থা লাভ করিতে আমরা সমস্ত হিন্দুজাতিকে উত্তেজিত করিব। যাহাতে ভারতবর্ষীয় আর্য্যকুলের আদিপুরুষ বৈবস্বত মনু হইতে রাজপুত্রনার বীরকুল-চূড়ামণি প্রতাপসিংহের সময় পর্যন্ত ভারতের মহিমার প্রবাদ সকল অবলম্বন করিয়া হিন্দুজাতি উন্নতির মধ্যে ক্রমে ক্রমে আরোহণ করিতে সমর্থ হয় আমরা প্রাণপণে এরূপ চেষ্টা করিব। যাহাতে হিন্দুগণ ভ্রাতৃত্বাবে

নবদ্বয় হয়, যাহাতে বাঙ্গালী, হিন্দুস্থানী প্রজাবী, রাজপুত, মাহারাজ্জীয়, মাদ্রাজী, প্রভৃতি হিন্দু-বর্গ একহৃদয় হয়, যাহাতে সকলের এক প্রকার উন্নত কামনা হয়, যাহাতে তাহাদিগের সকল প্রকার স্বাধীনতা লাভ জন্য ধর্মসঙ্কত বৈধ সমবেতচেষ্টা হয় তাহাতে আমরা প্রাণপণে বস্ত্র করিব। ঈশ্বর আমাদের মনোরথ পূর্ণ করুন।” তৎপরে শিক্ষক নিম্নলিখিত ঋগ্বেদোক্ত মন্ত্র উচ্চারণ দ্বারা আশীর্বাদ করিবেন,

“সঙ্গচ্ছধ্বং সম্বদধ্বং সম বঃ মনাংসি জানতাং ।

সমানি বঃ আক্ৰুতি সমানা হ্রবয়ানি বা ।

সমানম্ অন্ত বঃ মনঃ বধা বঃ স্মসহ অসতি ।”

“একত্রে আগমন কর, একত্রে কথা কহ, তোমাদিগের চিত্ত সমান হউক। তোমাদিগের চেষ্টা এক হউক, তোমাদিগের হৃদয় এক হউক, তোমাদিগের মন এক হউক, তাহা হইলে মঙ্গল তোমাদিগের সহগামী হইবে।”

(৬) প্রথম রবিবারে “ত্রাঙ্কধর্ম গ্রন্থের অন্তর্গত উপনিষদসংগ্রহ, “ভগবদ্গীতাসংগ্রহ,” “হিন্দু-ধর্মের শ্রেষ্ঠতা,” “হিন্দু ধর্মমীতি,” ইত্যাদি গ্রন্থ পঠিত হইবে। দ্বিতীয় রবিবারে Asiatic Researches, Asiatic Society's Journal, Transactions of the Royal Asiatic Society—প্রভৃতি পুস্তক এবং জোন্স, কোলব্রুক, উইলসন, মোক্ষমূলার, মনিয়র উইলিয়ামস্, রাজেন্দ্রলাল প্রভৃতি পুরাতত্ত্ব-বিৎ পণ্ডিতদিগের গ্রন্থ হইতে ভারতের পূর্ব-মহিমা বিষয়ক প্রস্তাব সকল পঠিত হইবে; তৃতীয় রবিবারে রাজনীতি ব্যতীত হিন্দুকুলের অন্যান্য সকল বিষয়ে কিরূপে ভাবী উন্নতি সাধিত হইতে পারে এবং হিন্দুশাস্ত্র অবলম্বন করিয়া ধর্ম ও সমাজসংস্কার কার্য কতদূর সম্পাদিত হইতে পারে তদ্বিষয়ে শিক্ষক উপদেশ দিবেন।

(৬) ছাত্র ব্যতীত বাহিরের লোকে বিদ্যালয়ে দর্শক স্বরূপ উপস্থিত থাকিতে পারিবেন।

এইরূপ প্রত্যাশা করা যায় যে উভয় প্রচলিত ধর্মাবলম্বী ও ত্রাঙ্ক এই বিদ্যালয়ে যোগ দিবেন। ভারতের প্রাচীন কালের বিশুদ্ধ ধর্মভাব ও ঐ কালে অন্যান্য বিষয়ে তাহার অবস্থা এবং বর্তমান কালে দেশীয় ভাব রক্ষা করিয়া কতদূর ধর্ম ও সমাজ-

সংস্কার কার্য সম্পাদিত হইতে পারে ইহা জানার আবশ্যিকতা সকল ত্রাঙ্কই অবশ্য স্বীকার করিবেন।

আমি উক্ত বিদ্যালয় স্থাপনের প্রস্তাব করিলাম কিন্তু বার্তাক্য বিশেষতঃ পীড়া হেতু এই সংকল্প কার্যে পরিণত করা আমার পক্ষে দুঃসাধ্য। এক্ষণে প্রস্তাব হইয়া রহিল, ভবিষ্যতে যদি কেহ এইরূপ বিদ্যালয় সংস্থাপন করিতে চাহেন এই প্রস্তাবনা তাঁহার পক্ষে সাহায্যস্বরূপ হইবে।

দেওঘর, ৩১ জ্যৈষ্ঠ, } শ্রী রাজনারায়ণ বসু ।  
ত্রাঙ্কসম্বৎ ৫২

পত্র ।

প্রেমাস্পদ শ্রীযুক্ত বাবু রাজনারায়ণ বসু  
মহাশয় সন্মদয়েরু।

প্রীতি পূর্বক নমস্কার

শ্রীযুক্ত কেশব বাবুর প্রতি এখনো যে আমার মেহ আছে তাহা ম্লান হয় নাই, তাহাই আমি প্রতাপ বাবুর পত্রের প্রত্যাভারে লিখিয়াছিলাম। আমি পূর্বের যখন সিমলা পর্যন্ত হইতে কলিকাতায় প্রত্যাগমন করিলাম এবং কেশব বাবুর সহিত সাক্ষাৎ হইল—তখন তাঁহার সরলতা, নব্রতা, সাধুতা ও ধর্মভাব আমার মনকে অতিমাত্র আকৃষ্ট করিল। সেই সময়ে আমার মনের মেহ ও অনুরাগ যেমন তাঁহাতে অর্পণ করিলাম, তখন তাঁহার নিকট হইতে তাহার অনুরূপ ভক্তি প্রাপ্ত হইলাম। তিনি আমাকে পিতৃরূপে বরণ করেন। তাঁহার সহিত আমার এই যে একটি ধর্ম-মুদ্রে যোগ হইল, তাহা অদ্যাপি আমি হৃদয়ে রক্ষা করিতেছি। তিনি যখন, তখনকার নূতন উৎসাহে উদ্দীপ্ত হইয়া ত্রাঙ্কসমাজে বক্তৃতা করিতে দাঁড়াইতেন, তখন তাঁহার এমন একটি সুন্দর মুক্তি দেখিতাম, তাহাতে আমার প্রেম তাঁহাতে সহজেই বাহিত। এখনো তাঁহার সেই তখনকার উজ্জ্বল মুখশ্রী যেন প্রত্যক্ষ দেখিতেছি। কি আশ্চর্যরূপে তাঁহার সেই নূতন মুক্তি আমার হৃদয়ে অদ্যাপি মুদ্রিত আছে, তাহা আমি বলিতে পারি না এবং সেই মুক্তিটি যখন আমি অন্তরে নিরীক্ষণ করি, তখন কেন যে তাঁহার প্রতি আমার মেহ ও

প্রেম অনুধাবিত হয়, তাহার হেতু পাই না। এই কথাটি আমার মন খুলে প্রতাপ বাবুকে লিখিয়াছিলাম।

প্রতাপ বাবু সিমলা হইতে ৯ আগস্টে আমাকে এক দীর্ঘ পত্র লেখেন, তাহাতে তিনি আমার প্রতি তাঁহার পূর্বকার অপরাধ সকল সম্বন্ধে হৃদয়ে মার্জনা প্রার্থনা করেন, এবং পূর্বে যখন তাঁহার সঙ্গে ঘনিষ্ঠতর সম্বন্ধ ছিল, তখনকার আমার সহিত তাঁহার সাধু ব্যবহার সকল উল্লেখ করিয়া বিনীত ভাবে বাহুল্য করিয়া আমার অনেক স্তুতি করেন এবং তাহার প্রত্যুত্তরে আমিও তাঁহার সদগুণের বিস্তারিত প্রশংসা করিয়া আমার লেখনীকে তৃপ্ত করি। সেই প্রত্যুত্তরে কেশব বাবুর প্রতি আমার যে প্রগাঢ় মেহের ভাব, তাহা অনুরাগের সহিত বর্ণনা করিয়াছিলাম। আমার এই রহস্য কথা সংবাদ পত্রে যে উঠিবে এবং আমার প্রতি কৈফিয়ত তলব হইবে, আমি ইহা ভাবি নাই। আমার সহিত কেশব বাবুর বাহাতে পূর্ববৎ সম্মিলন হয়, প্রতাপ বাবু তাঁহার পত্রের শেষে এই ইচ্ছা প্রকাশ করিয়াছিলেন। "Only if I have any wish which I would express before you it is this that you and he should be once more reconciled into that union of perfect confidence and love which formed such a blessed spectacle in the dear old by-gone days in the infinite possibilities of Divine wisdom and power. Say father is that glorious fact impossible? what could you not do if you, two wished it."

এই কথাটির সহজ উত্তর এই যে ধর্মসম্বন্ধে তাঁহার সঙ্গে আর মিল হইতে পারে না। মিলের সম্ভাবনা নাই বা কোথায়? যখন তিনি স্ত্রীয় অভিমানে এত উচ্চ হইয়া উঠিয়াছেন যে আমরা তাঁহার আর না দাল পাই না, তখন আর তাঁহার সঙ্গে কি প্রকারে মিল হইবে? যখন তিনি কখনো গঙ্গার স্তব করিতেছেন, কখনো রাধা কৃষ্ণের প্রেমগান করিতেছেন, কখনো রাস্তায় গাতিয়া বেড়াইতেছেন, কখনো আবার হোম করিতেছেন, কখনো পুষ্করিণীতে স্নান করিয়া বলিতেছেন, জোর্ডান নদীতে জাম-দি-বেপ্টাইস্টের দ্বারা বেপ্টাইস্ট হইতেছি, মধ্য মধ্যে মুসা, মীসা, সক্রিটিসের সঙ্গে সাক্ষাৎ করিতে পারলোকে তীর্থযাত্রা

করিতেছেন—তখন এই সকল প্রহেলিকা ভেদ করিয়া তাঁহার সঙ্গে কি প্রকারেই বা মিল হইবে? এই জন্যই আমি মূঢ়ভাবে লিখিয়াছিলাম যে "ব্রহ্মানন্দ এত উচ্চ পদবীতে উঠিয়াছেন যে আমরা তাঁহার নাঙ্গাল পাই না, তাঁহার মনের ভাব আর সুস্পষ্ট বুঝিতে পারি না, ছায়াময় প্রহেলিকার ন্যায় বোধ হয়।" কিন্তু কেবল যে তাঁহার সঙ্গে মিল হইতে পারে না, এমত নহে, তাঁহার সঙ্গে নিত্য বিরোধই উপস্থিত হইতেছে। "আমরা কেবল এক জন্ম ভূমির অনুরাগে ঋষিদিগের বাক্যেই জ্ঞানতৃপ্ত হইয়াছি, তিনি অসাধারণ উদার প্রেমে উদ্দীপ্ত হইয়া এই ভারতবর্ষের ব্রহ্মবাদিদিগের সঙ্গে পালেস্তাইন ও আরববাসী ব্রহ্মবাদিদিগের সমন্বয় করিতে উদ্যত হইয়াছেন।" এই তাঁহার অসাধারণ উদার প্রেমই সমস্ত কলহের মূল, ইহা লইয়াই ব্রাহ্মদিগের মধ্যে এত বিবাদ। এই জন্য আমি পরে লিখিয়াছিলাম যে "ইহা অতি কৃষ্ণকম্প। ইহা লইয়া যে বাদানুবাদ উপস্থিত হইয়াছে তাহার অন্ত নাই— ইহার কোলাহল ক্রমাগতই বৃদ্ধি হইতেছে। আমার এমন যে নিরুজ্জন পর্ত্তবাস, এখানেও সে কোলাহল আসিয়া পহঁ ছিয়াছে। কখনো কখনো ব্রহ্মানন্দের এই অভিনব মতে বিরোধী হইয়াও আমার কথা কহিতে হয়, তাহার জন্য আমার মন কিন্তু বড়ই ব্যথিত হয়। তাঁহার পক্ষ ও তাঁহার মত যদি আমি সমর্থন করিতে পারিতাম তাহা হইলে আমি কত আনন্দ যে লাভ করিতাম, তাহা বলিতে পারি না।" আমার পত্রের এই অংশ মিরার পত্রে উদ্ধৃত হয় নাই, এজন্য আমার সকল অভিপ্রায় ভূমি বুঝিতে পারি নাই। এ অংশটি গোপন করিয়া রাখা মিরার সম্পাদকের উচিত কার্য্য হয় নাই।

আমি কঠোর কর্তব্যের অনুরোধে তোমাকে এইটুকু লিখিলাম। পরের দোষগুণের এত বাহুল্য চর্চা আমার পোষায় না। আমার পক্ষে ইহা অতি অপ্রিয় কার্য্য। ঈশ্বর আমাকে উদ্ধার করুন। ইতি

হিমালয় মস্থুরী পর্বত } নিয়তশুভানুধায়ী  
২৮ ভাদ্র ৫২ } শ্রীদেবেন্দ্রনাথ দেবশর্মা।

## প্রাপ্ত স্বীকার।

আগরী কৃতজ্ঞতা সহকারে স্বীকার করিতেছি যে নিম্নলিখিত এই চারি খণ্ড পুস্তক উপহার প্রাপ্ত হইয়াছে।

“ভারতবর্ষীয় উপাসক সম্প্রদায়” শ্রীযুক্ত বাবু অক্ষয়কুমার দত্ত প্রণীত মূল্য ২ দুই টাকা। “ভগ্ন-হৃদয়” (নীতি কাব্য) শ্রীযুক্ত বাবু রবীন্দ্রনাথ ঠাকুর প্রণীত মূল্য ১ এক টাকা। “কালপাহাড়” বা ধর্মজোহী নাটক, গবর্ণমেন্ট শিম্প বিদ্যালয়ের ভূত-পূর্ব ছাত্র শ্রীযুক্ত বাবু হরিশ্চন্দ্র হালদার কর্তৃক প্রণীত, মূল্য ৫০ বার আনা। “নববিধান মত” এই পুস্তক খানি ঢাকা পূর্ববাঙ্গলা ব্রাহ্ম সমাজের সভ্য দ্বারা প্রকাশিত, মূল্য ১০ চারি আনা মাত্র।

## বিজ্ঞাপন।

তত্ত্ববোধিনী পত্রিকার অগ্রিম বার্ষিক মূল্য ৩, পঞ্চাশদেয় বার্ষিক মূল্য ৪।০ ডাক মাশুল ১।০।

তত্ত্ববোধিনী পত্রিকার প্রথম কম্প অর্থাৎ (১৭৬৫ শকের ভাদ্র, যে মাস হইতে উক্ত পত্রিকা প্রথম প্রকাশ হইতে আরম্ভ হয় তদবধি ১৭৬৮ শকের চৈত্র পর্যন্ত) চারি বৎসরের পত্রিকা পুনর্মুদ্রিত হইবার কল্পনা হইতেছে। দুই শত গ্রাহক হইলে উক্ত কার্যে প্ররত্ত হওয়া যাইতে পারে। যাহারা গ্রাহকশ্রেণীভুক্ত হইতে ইচ্ছা করেন, তাঁহারা আদি ব্রাহ্মসমাজের সম্পাদকের নিকট স্বীয় নাম ধাম লিখিয়া পাঠাইবেন। উহার বার্ষিক অগ্রিম মূল্য ৩ টাকা অর্থাৎ প্রথম কম্পের অগ্রিম মূল্য ১২ বার টাকা মাত্র।

শ্রীজ্যোতিরিন্দ্রনাথ ঠাকুর  
সম্পাদক।

আগামী ৩০ কার্তিক সোমবার বেহালা ব্রাহ্ম সমাজের অষ্টাবিংশ সাষৎসরিক উৎসবে অপরাহ্ন তিন ঘণ্টার পরে ব্রাহ্মধর্মের পারায়ণ হইবে এবং সন্ধ্যা সাত ঘণ্টার সময়ে ব্রহ্মোপাসনা হইবেক।

উল্লিখিত উৎসব উপলক্ষে ব্রহ্মজ্ঞান প্রচার উদ্দেশে ব্রাহ্মধর্ম সংক্রান্ত কতকগুলি পুস্তক অর্ধ মূল্যে বিক্রীত হইবে।

শ্রী শ্রীরাম চট্টোপাধ্যায়।  
সম্পাদক।

আগামী ২৩ আশ্বিন শনিবার কালনা ব্রাহ্মসমাজের চতুর্দশ সাষৎসরিক মহোৎসব হইবে। প্রাতে ৭ ঘটিকা ও সায়ংকালে ৭।০ ঘটিকার সময় উপাসনাদি কার্য আরম্ভ হইবে।

শ্রীবিহারিলাল বন্দ্যোপাধ্যায়।  
সম্পাদক।

## আয় ব্যয়।

ব্রাহ্ম সমাজ ৫২।

শ্রাবণ।

আদি ব্রাহ্মসমাজ।

আয়	...	...	১১৪৪৫০/২
পূর্বস্বীকার স্থিত	...	...	২৬৩০১/৩
সমষ্টি	...	...	৩৭৭৫১/৫
ব্যয়	...	...	৯৫৮১১/৮
স্থিত	...	...	২৮১৬৪০/৯

আয়

৭৮৭৫/২

ব্রাহ্মসমাজ

দান প্রাপ্তি।

শ্রীযুক্ত দেবেন্দ্রনাথ ঠাকুর	১৭
” জ্যোতিরিন্দ্রনাথ ঠাকুর	১৭
” নীলকমল মুখোপাধ্যায়	১৭
” শিবচন্দ্র নন্দী	৬
” ঈশানচন্দ্র বসু	৫
” দেবেন্দ্রনাথ ঠাকুর (পাতুরঘাটা)	১
” কার্তিকচরণ মল্লিক	১
” বিহারিলাল মণ্ডল	১

গবর্ণমেন্ট কাগজের স্তম্ভ আদায়  
সঙ্গীতের কাগজ বিক্রয়

তত্ত্ববোধিনী পত্রিকা

পুস্তকালয়

যন্ত্রালয়

গচ্ছিত

ব্রাহ্মধর্ম গ্রন্থ প্রকাশের]

মূল ধন

সমষ্টি

ব্যয়

ব্রাহ্মসমাজ

তত্ত্ববোধিনী পত্রিকা..

পুস্তকালয়

যন্ত্রালয়

গচ্ছিত

সমষ্টি

১১৪৪৫০/২  
শ্রীজ্যোতিরিন্দ্রনাথ ঠাকুর  
সম্পাদক।